

五十三

程



五三

嘉靖四十年至四十五年



國權

壬戌嘉靖四十一年

正朔戊朔

壬辰大風霾

丙申吏部大計

嚴訥為禮部尚書李春芳為吏部左侍郎董份領詹事府

京師地震

庚子真定天鳴星隕晝有光

鹽官談遷孺木著



總督宣大李文進言敗將劉晉臣歸自虜中云叛人邱富去年十一月十日死謝玄頒賞金幣撫按

乙巳命入覲各官逋賦毋遷轉

免崇仁縣等及淮安兵灾田租

丙午科道拾遺首<sub>勅</sub>山東左布政使王宗沐等調之

丁未巡撫江西右副都御史胡松上軍政五事曰閩廣賊蔓

三省夾勦戒漳南武平建寧各道推諉曰賞功曰節制客兵

曰改兼理軍務敕書曰選才略許之

兵科給事中鄧棟上查理薊鎮軍需數時虛耗以巨萬計命嚴治之

辛亥高拱陳陞為禮部左右侍郎

巡撫南贛<sub>江澤</sub>右副都御史陸穩上言弭盜

李遷陳光<sub>堯</sub>為右副都御史巡撫四川保定

二 明郊朔裴字為翰林侍讀學士署院

丁巳大學士袁煒禮部左侍郎董份主禮闈

庚申毛鵬為右僉都御史巡撫寧夏

辛酉罷親耕親蠶時禮久不行然禮官猶拘故事請寢之

初山盜犯福建懷安巡撫游震得檄指揮王毫率三衛卒福

州通判彭登瀛率鄉兵勦之登瀛失利歸毫<sub>於</sub>罪震得咎毫斬



隊長以下四人俱三衛軍不服會兵備副使汪道昆閱於教塲卒噪

格殺鄉兵數人屯城南久之乃散

壬戌命戶部進二十萬金為內備用仍別備貯二十萬備取

倭陷福建永寧衛城指指揮王國瑞等降之

釋巡撫遲鳳翔獄調外

逮故延綏總兵官趙應至京以去年失事也

巡撫雲南右僉都御史蔣宗魯被論調外

乙亥山東德州大風雨雨魚大者數寸其地為九龍廟

吳鼎為都督總兵官鎮守寧夏

南京太常寺卿王材署南京國子監祭酒

兩廣已卯總督張臬請勦山賊張璉以狼兵十萬與福建江西夾

勦臣駐惠潮福建巡撫游震得駐漳州南贛巡撫陸穩駐永

定從之璉饒平之烏石村人毆族長死亡命入害賊鄭氏蕭

氏黨璉與蕭氏分部而強縱掠汀漳及寧都連城瑞金陷雲

霄鎮海衛南靖等城

錦衣衛都指揮僉事嚴嵩孫鶴獻白兔靈芝方士藍道行獻

瑞龜皆告太廟群臣表賀

戊寅前湖廣布政司右叅議楊言卒言鄞人正德辛巳進士



授行人遷禮科給事中爭大禮廷鞠謫判宿州稍遷溧陽令  
歷南吏刑部郎中坐忌謫守夷陵起荊州同知四川按察僉  
事至今官年七十五

張時徹曰嘗讀戴記見夫忠而獲謗信而見疑深離擯斥  
或齒劍以死蓋深心傷之矣夫祿爵者士人之始願也生  
者性情之大欲也舍所願欲而徼其所不欲不以華衮毀  
操不以嚴誅改舌豈其性獨殊哉亦誠有所好也方後江  
楊公為給事中適大禮議起廷臣不當上旨元輔去禮卿  
去諸曹言者去繼祿爵哉推此志也即有皆竄之行君子  
猶將諒之而况讒口不根卒從放免以死悲夫

壬午甘肅副總兵許經為中軍都督僉事總兵官鎮守固原  
去冬十一月虜陷塞圍輒井久不解經率師破之獲甲首四  
騎八十餘虜夜跌遁是日晝完諸所穿鑿塞徑復旋師虜又  
乘隙攻定邊花馬池守將徐仁任勇堅守別遣勁騎擣其族  
帳虜乃西犯寧夏副總兵王勳棄清水營虜遂穿塞深入勳懼  
誅墜城赴虜死得褒卹虜遂犯本鎮之蕭家堡游騎掠固原  
隆德靜寧之北鄙經與中軍雷龍率諸將禦之戰於苦水至  
塘土溝逐北至官橋堡斬八十一級



前廣東道監察御史劉鞞卒鞞衡陽人正德丁丑進士授行人諫南巡改南國子學正嘉靖初復官拜御史敢直言憂去不復起年八十一

沈鈇曰予觀前詰若鮑氏若桓典莫不稱忠而壽則未聞若李密若王祥莫不稱孝而忠則有間公於忠孝兼之且見道之一矣故出則為名御史而社稷是賴處則鄉先生沒而可祭於社也

三月酉朔曹忭為右副都御史巡撫雲南戊子成都地震

庚寅撫治鄖陽右副都御史汪侏罷

四川總兵官右都督石邦憲大破播州榮山副長官土舍韓甸甸與正長官土舍張問仇殺二十餘年至是減詔復總督

右副都御史董威官任升邦憲左都督餘賞賚有差

寧夏地震邊牆傾圮

賑寧夏二萬金及修築費

辛卯玉兔生子謝玄告廟表賀

吏科給事中劉祐上四事公選擇以杜奔競慎更調以安地方嚴糾劾以警官邪重舉刺以正風紀從之



侍郎霍冀總督楊選勘工薊鎮客兵往餉不過十數萬今三十萬密雲客兵不過八九萬今二十三萬則增兵之耗為甚往時薊鎮主客止四五路今增為十區而副叅游守節年添設不啻數倍明旨通降專練主兵漸減客兵要在督撫官以實舉行耳

丙申免山西民兵入衛人徵五金輸薊鎮

以胡宗憲言改設南贛副總兵建寧撫州鄱陽各叅將南昌游擊將軍

增甘州茶馬司

己亥策貢士王錫爵等二百九十九人賜徐時行王錫爵余有丁等進士及第出身有差

增陝西省城叅將

宣大總督右都御史李文進卒

己酉萬壽宮成上悅其速加恩徐階朱衡有差

四明寅朔江東總督宣大軍務

乙卯上御新宮舉迎恩大典五日群臣表賀

丙辰大風霾

庚申土爨大舉寇遼東攻東閔驛錦川營破之上聞警擇



兵部左侍郎葛縉兼右僉都御史往督視軍情縉舉武庫司  
郎中張志孝京營副將劉大章自隨報可

癸酉方士鄆縣王金進五色龜靈芝授太醫院御醫命成國  
公朱希忠告廟表賀

甲戌瑞兔又生子二 上曰玄恩重示延生之祥特為罕遇

命駙馬都尉謝詔告太廟建謝典

順義縣地震有聲

辛巳蔡汝楠為兵部右侍郎協理戎政趙炳然為左副都御

史

五 月 酉 監 察 御 史 顏 鯨 言 倉 場 四 弊 曰 官 吏 索 常 例 曰 輸 納 革

本價不及時領曰領價多有力者曰報商不實不若官自召

買設主事領之部言其非 上從部議

丙戌 上憂廣寇徐階言都督劉顯率兵叅將俞大猷副之

若廣兵先勝即往福建萬一失利留廣中宜令江西紀功御

史段顧言監顯等軍尋以劉顯兵少乞調永順土官兵

丁亥劉顯為廣東總兵官

張永明為刑部尚書

巡撫湖廣右僉都御史張雨回院



胡堯臣為右副都御史巡撫河南

裁延綏定邊營游擊都司二員增副總兵一

遼東屬夷王呆導虜入寇東州堡撫順副總兵黑春率游擊

徐維忠等敗之春手殺數十人備禦劉晉亦敗虜於核桃山

共斬百四十九級工曰將吏用命玄賜也賞視軍情侍郎

葛縉等功有差

上憂南寇南贛巡撫右副都御史陸穩言三月中署平和縣

府知事胡期亨典史談蘊領鄉兵敗之城下擒五人斬三十

二級總督兩廣都御史張臬亦報程鄉賊王子雲陳福保等

皆就擒上大悅歸感玄恩論諸臣功有差

壬辰榆林兵亂時游擊高廷相築三空川堡飢民應僦就食或掠

田蔬副總兵張琮榜掠者因大噪入劫掠商貨都司謝朝恩等擊斬

四十餘人乃定下總兵孫勇等臺獄

廣東盜張璉蕭晚就擒斬千二百有奇

丙申先是監察御史王納講奏兵備副使姜廷願失實

補外或言納講嘗索廷願賄不得故論之吏科給事中沈淳

等以聞言此者公論混淆如雲南左叅議谷鍾秀在御史喻

時則薦之龐尚鵬則劾之工部侍郎黃廷用在科臣李瑜則



効之在巡撫劉燾則薦之一人之身乍賢乍愚必有歸一部  
院覆議鍾秀廷用皆公論不與失在薦者納講雖外補宜重  
罰遂降納講二級調外

停選庶吉士時進士多賄營有貸司禮太監黃錦者錦以聞  
方選進士五十餘人試東閣忽報罷閣臣亦不知也

改漳州南路叅將為副總兵以楊縉為之從胡宗憲請也

朱衡為吏部右侍郎方廡為右副都御史巡撫湖廣

命廷臣條議理財

壬寅大學士嚴嵩免監察御史鄒應龍劾嚴嵩子世蕃專利

亡厭私擅爵賞每一開選視官之高下而低昂其直及遇陞

遷則視缺之美惡而上下其價如刑部主事項治元以萬三

千金從其家家人嚴年以進稽勳事轉吏部貢士潘鴻業以二千二百金得知州臨清他又何所

涯際耶至交通關節不下百十餘人伊子錦衣嚴鵠中書嚴

鴻奴嚴年中書羅龍文為甚年自號鶴山嵩買田宅揚州儀真兩縣至慶主之者家人嚴冬也如臣言不實願斬臣首以謝嵩

上曰人惡嚴嵩久矣朕以其贊元修玄壽密齋居特優眷乃縱逆子

負朕其令致仕予傳去歲給祿百石下世蕃等錦衣獄初方

士監道行以箕幸工故有所問家封使中官至箕所焚之

不能答則答中官穢中官乃合方士啓示而後焚之每答具



如音上一日問今天下何以不治對曰賢不竟用不肖不  
退耳則問其賢否曰賢如輔臣徐階尚書楊博不肖如嵩  
上復問嵩誠不肖上真胡以不震而殛之曰上真殛之則益  
用之者咎故弗殛也上心動鄒應龍避雨一內侍所內侍  
言狀遂劾嚴氏稱旨進應龍通政司右叅議嵩猶為世蕃求  
解上曰念君忠勤已加優處又何以克免請救嵩乃引咎  
法司竟成世蕃烟瘴衛鵠鴻龍年冬邊衛上特宥鴻為氓使  
侍嵩老蓋猶念嵩也治元逮至瘦死鴻業俱論成初嵩  
欲整階、誅節卑體又沉幾自將嵩無如之何而陰計撓嵩  
權者久矣

免山東巡撫右副都御史謝東山以千戶林棟百戶李仁捕  
盜株及平民有死者被劾也

乙巳設贛州平遠縣即程鄉之太平營

賄太監黃錦萬金使發之

丙午下藍道行獄論死嚴世蕃詞其陰事下刑部侍郎葉鏗  
鄒懋卿誘使誣伏前偽狀而引徐階道行不聽

上思嚴嵩贊玄功意忽、不樂乃論徐階等欲傳位退居西  
內專祈長生階諫上曰必皆仰奉工命闡玄脩仙乃可臣  
下有再言嵩者併鄒應龍斬之矣嵩知上意動乃略工



左右各十萬金發道行帖權及矯稱玉詔諸奸利不法事遂  
得罪刑部侍郎葉鏜鄔懋卿誣伏前偽狀引徐階不聽當  
嚴氏時階于賂遺不盡却而所推舉多廉士至是盡反嵩政  
務收人心用物望嚴杜篋篋獨浮慕骨鯁及稱說理道揣摩  
希望者或中其奸嵩在事操各部權米鹽不遺六卿束手階  
多謝卻

己酉設寧前道兵備副使

辛亥周如斗為右僉都御史巡撫應天

壬子虜復攻遼東鳳凰城轉掠湯站堡副總兵黑春逆戰虜

佯北追入中伏被圍數重力戰二日夜同把總田耕等死之

事聞贈春都督同知三祠

六朔丑朔於江西興寧廣東程鄉安遠福建武平四縣間城之

曰伸威以俞大猷為協守南贛汀漳副總兵方逢時為廣東

兵備副使彈壓之增設把總三

總督江東言虜患以來謀臣經略亡慮數家有脩邊築堡血

戰之說凡此之計皆已見矣萬不得已惟保全邊堡一策最

切要其說有十積穀也徵各營選卒也練土兵共守也增城

濬池也築大墩使耕牧也造雙輪備戰守也擇將睦陣也信



賞必罰也厚恤間諜也禁近軍通虜也部覆從之  
大學士徐階請增閣員工不悅曰有旨卿等知其同心輔  
政者何不具聞階等媿謝不敢妄增工意乃解  
己未孫植為工部右侍郎  
前河南巡撫都御史潘塌卒  
浙江叅將戚繼光以七千餘人援閩倭屯寧德之桂嶼環水  
險隘官軍踰年不一戰繼光令人填東葦而進遂大破之俘  
九十餘人斬二千六百餘級焚溺亡筭又敗福清牛田寇追  
殲之興化

辛酉徐陟為南京大理寺卿

壬戌井陘民兵亂露刃脅兵備副使李一瀚索舊餉勉給之  
事聞誅首惡數人調一瀚

庚午張璉伏誅兵部擬獻俘工命即彼地梟之

丁丑令雲南按察副使陳善嘉興通判海瑞慈溪知縣霍與  
瑕俱調用善進

安與瑕令慈溪俱清鯁不屈總理鹽法左副都御史馮懋卿  
疾巡鹽御史袁淳劾之俱落職瑞調興國知縣

許  
恭政譚綸終制



己卯大理寺卿萬宗刑部右侍郎鄔懋卿太常寺少卿萬虞龍以御史鄭洛劾免降虞龍四川按察僉事

七朔已戶部集廷臣上理財議省兵食慎調遣先節省完積逋

清屯糧均脩邊停外例處銅價減供應杜奏留議漕河工銀

定稅法

戊戌瑞免四各生二子表賀已賀嘉禾

庚戌薊鎮喜峰口地震

八朔辰兵部尚書楊博上防禦事宜在薊鎮則畫地分區步兵

列墻拒守騎兵樓伏應援以守為戰在宣府則山南山北增

布兵馬在宣大則遠哨廣備清野堅壁在山西則嚴拒陽坊

等口在保定則分防紫荆等關以戰為守從之

丁巳上以醮事急龍涎香而宮災時有私取得者戶部尚

書高耀密購小兩以進上大悅倍給七百六十金進耀太

子少保耀附嚴氏嚴氏敗又為固位計小人患失如此

乙丑重錄永樂大典禮部左侍郎高拱右春坊右諭德管司

業事張居正各解原務入館校錄拱兼學士同左諭德兼侍

讀瞿景淳充總校官居正仍以右中允兼編脩同脩撰林燠

丁士美徐時行編脩呂旻王希烈張四維陶大臨檢討吳可



行馬自強分校初大典貯於文樓上甚好之及三殿災命  
甲夜中諭言傳是書得不燬至是左右登樓出之遂另錄其一他貯焉

丁丑陳陞秦鳴雷為禮部左右侍郎  
九朝年朔申更奉天殿曰皇極華蓋殿曰中極謹身殿曰建極文樓

曰文昭閣武樓曰武成閣左右順門曰會極歸極東西閣門  
曰弘政宣治奉天門曰皇極百官表賀詔告天下閣臣請赦

上以赦為小人之幸彼拽石運木者誰與不許

丙戌遲鳳翔為大理寺卿

癸巳左都御史潘恩罷恩子允端進士授刑部主事尋改禮

部禮科給事中張益言允端干進罷恩調允端南京工部

丁酉發帑錢七百萬糴穀入京通二倉備賑從御史顏鯨之

言

工部右侍郎  
劉伯躍

南京刑部右侍郎何遷南京通政司右通政胡汝霖南京光  
祿寺少卿白啓常前湖廣巡撫右僉都御史張雨廣西按察  
副使袁應樞右春坊右諭德唐汝楫南京太常寺卿署國子  
祭酒王材俱劾免劉伯躍女適嚴嵩孫應樞嵩壻遷躁進好  
名其撫江西厚餽嚴氏汝霖雨貪恣不檢啓常匿喪轉光祿  
丞粉墨塗面供世蕃懽笑汝楫父事嵩得筆與材同出入卧



內交通請託至是各被論蓋嵩專政而毫日夕奉玄委柄世  
蕃世蕃狡黠願諂往牒時四方多事世蕃以多無積輒據舊典參綜陳說每  
諸司閔白嵩必曰與小兒議之世蕃以多無積於是受賂無忌朝士群而趨  
之至是朝署為清矣懋卿之翰局份之文學汝楫之門第使  
慎守恬靜皆可坐致通顯乃甘為市行并收隸之身名俱辱何哉  
戶部定邊儲不完降罰格

庚子奪故總督魏謙吉贈蔭祭墓前福建巡撫右僉都御史王詢  
削籍以工科給事中張鳴瑞追論謙吉貪暴詢佞諂也  
壬寅故肅王妃請世孫紳堵不俟服闋即嗣封從之自後非

邊籓不許陳乞

丙午戶科都給事中何燧上五事寬民力懲賍吏重糾察勵  
士風禁奢靡從之

播州土司仍屬四川而貴州思石兵備道兼制播州平邑等  
土司蓋嘉靖初改屬貴州也

戊申遼東巡撫右僉都御史吉澄劾罷

召呂光洵李登雲為工部左右侍郎孫植為刑部右侍郎  
廣東布政司進龍廷香李之勳有奇  
己酉張永明改左都御史

辛亥王之誥為右僉都御史巡撫遼東



十明寅勅讓伊王典模御史林潤言其宮室僭制肆惡虐民  
上幸赦弗誅怙惡不悛日甚一日宜追還所侵奪者裁額外  
軍校典模連奏辨禮科劾之宜罪輔導等官遂其責悛改具  
以狀聞  
戶部覆科給事中趙灼等言賦役五事曰乘穀賤糶穀備  
賑曰東南糧役除內府白糧仍准收外其餘俸糧俱付戶部  
轉發曰覈江南北田糧曰墾近邊永平豐潤玉田遵化薊州  
密雲等閑田曰京商困悴由外解不時及富民漏役如校尉  
官匠等止復其身其兄弟子姪旬庇從之

詔戶兵二部議禦盜治盜方略

瞿景淳為翰林院侍讀學士署院

免江西水災田租有差

監察御史林潤上言國初支庶不繁定例因略今麟趾螽斯  
其麗不億視昔數百倍矣嘉靖初議者言河南惟一周府今  
郡王三十九將軍至五百餘中尉儀賓不可勝計舉一府而  
天下可知也今距嘉靖初又四十餘年矣所增可推也天下  
歲賦糧供京師四百萬石各王府祿八百五十二萬不啻倍之如山  
西存留米一百五十二萬石而祿米三百十二萬石河南存



留米八十四萬三千石而祿米百九十二萬石是二省之糧借  
令全輸已不足供祿米之半况吏祿軍餉皆出其中予故自  
郡王以上猶得厚享將軍以下至不能自存饑寒困辱勢所  
必至嘗號呼道路聚而詬有司守臣不惟辱且懼生變天下  
無可增賦之理而宗室蕃衍不已可不為豫計哉今議者或  
言當令親王皆如國初遼韓伊岷肅諸王之制祿皆二千石  
或云郡王而下宜中半折支亦如朝官例儀賓而下如外有  
司例或云親王袒免而下則從庶人之例月支米三石或云  
不宜遽削於今日惟定制於方來或云定子女之數以杜詐  
冒或云開應舉之途弛商賈之禁言人人殊臣謂宜大臣科  
道集議仍頒諭諸王以勢窮弊極不得不通之意令宗藩曉  
然知賦入有限共陳善後之策章下禮部覆從之

丁丑刑科給事中陳瓚言近日壟斷之徒多慕嶺南雖縣尉

饒富得肆獵卑而

亦不惜重金求之膏血日殫故有張璉嘯聚之禍蘓松諸郡  
吏於糧長之設始三空役而索其財已代逋負而償其賦在  
坊長則上有官過客之費在庫役則宴餽衙吏之需視富室為  
仇雠而誅求百出用重罰為常典而科取不貲即吳粵而天  
下可知也乞撫按嚴禁又聞廣之盜涿突江右有城則可守



無城即受僂乞撫按脩築從之

廣東官兵追獲巨盜林朝曦等初朝曦據巢不下出攻程卿知縣徐甫宰嚴兵待之又主簿梁維棟說散其黨朝曦奔陰那山追獲之潮寇悉平

十月辛巳朔虜犯山西神池等處大掠數日而去總兵官吳徵詐稱戰功御史王好問劾之詔逮徵

癸未起王廷南京刑部右侍郎胡士燮為右僉都御史巡撫延綏

延綏總兵官趙岢分兵出神木堡搗虜於半坡山出定邊營

搗虜於荻麥湖共斬百十九級

福建官兵擒龍山賊蘓阿普斬之龍巖人

命監察御史姜儆訪求法士秘書於天下臣民有進者賞

丁亥逮少保總督浙直江福兵部尚書兼右都御史胡宗憲入京左副都御史趙炳然為兵部右侍郎兼右僉都御史巡撫浙江罷總督浙直不補南京戶科給事中陸鳳儀劾宗憲欺橫貪淫十大罪也

張禹曰浙直中倭六七年更總督數人費金錢動巨萬迄無成功公奉命授計遣將或勦之內地或徼之海外倭生



還者少矣其擒徐海誘王直功尤奇論者謂其誘賊用辨  
反間用謀厚賊妻子而招其來餌賊女色而蠱其聽散賊  
爪牙以孤其勢至賊黨內亂而從中滅之縱橫顛倒妙筭  
出奇東南數百年免倭患皆其再造力也抑公可謂社稷  
臣矣而以橫賞受乾沒名下獄仰藥死悲夫兵死地間奇  
術也非捐數十萬金亦安能令人走死地而設奇術必中  
哉且功不成必為財漏卮何如成功而享太平貫朽寧可  
勝校耶豪杰舉事固未可為尋常文墨道也

庚寅前南京國子祭酒鄒守益卒守益字謙之安福人正德

免湖廣災傷田租有差  
丙午毛愷為左副都御史回院

起馬森南京工部右侍郎張舜臣戶部左侍郎

己酉伸威營副總兵俞大猷為總兵官鎮守福建仍駐伸威

營改福建總兵官曰分守聽節制

倭陷興化先是十月浙倭登福寧連江陷壽寧政和寧德等  
縣廣倭登福清長樂陷玄鐘所延及龍巖松溪大田古田而  
浙江叅將戚繼光與總兵劉顯既連敗倭繼光還浙值倭福  
清之東營澳斬百八十餘級遂行而聞倭日至攻圍興化且  
匝月瞰守者之怠夜梯而上叅將畢高叅政翁時器總城遁



署印同知奚世亮知縣周尚文縣丞徐九經葉德良見殺倭  
據城至明年二月乃敗劉顯來援城已陷薄城而營伺賊隙  
顯有威名謂旦夕破賊既久持時恨其養寇後贈世亮福建  
布政司右叅政尚文九經德良太僕寺丞各廕監  
倭破興化乘勝以四千餘人攻仙游西鄉叛民附之環城三  
匝知縣南海陳大有曰吾誓與此城存亡敢遁者斬眼貧分  
伍戎服宿城樓間出斫其創營深星飛鈎之制而賊之竹牌雲  
梯轉為所詘賊又造呂公車遣人瘞礮插樁或暗洞土穴車  
至輒摧敗賊竭攻技隨方破之相持五十餘日戚繼光兵一  
至擊賊去之

十月辛亥朔王廷為戶部右侍郎總督漕運

上宮中禱雪

辛酉甘露降顯松上守備陵太監張方及奉祀都督僉事蔣華

等以進白上大悅告郊廟

壬戌南京兵部右侍郎丁以忠致仕

乙丑夜月食雲隱不見

丁卯百官表賀甘露靈雪

乙亥延綏巡撫孫慎類報斬虜百八十三級陞賚有差



胡宗憲逮至。上曰：宗憲起御史，皆朕擢用，非嵩黨。三星玄瑞，近上玄秘，皆致一手書任事，數年不聞指摘。近鄒應龍發嵩奸邪諸臣復彈罷大臣不已，本兵始議獲王直者五等封官。今罪之後來，誰與我任事？其釋令閑住。

張魚曰：自嵩父子怙權文華，挾寵出督江南師，而賄德章矣。尚書經吝嗇，軍興費受緹騎逮誅督撫，邦輔以不能讓奇功中白簡成。至胡少保乃醉酒嫚罵而揮之四千金，謂不予則無以飽其望，而生得失予之則無名而已。有所不甘也。然而猶之賄矣，其於嵩父子羨之，今為我用亦賄也。

嗟乎！大將立功於外，而借賄賂以結權貴之援，豈正法哉！然而少保功高，亦以橫費不免焉。不賄則身危而功不成，賄則幸成功而受惡名，以死疆場之臣難言哉！蓋千古蹈斯弊也。

談遷曰：胡宗憲以倜儻非常之才，仗鉞東南，鯨波就恬，值柄國情好稠密，所謂未有權臣在內而大將能立功於外者。言路深論而九重鑒原，真駕馭英雄之良法也。工輩未嘗過，即署賢於漢文遠矣。

湖廣巡撫右副都御史方廉，餽兵科都給事中邱樞五金楮。



劾之罷廉并兩廣總兵官平江伯陳玉謨下錦衣衛南司魏  
大經於法司

虜犯遼東海金等處大掠七百餘里殺擄幾二萬總兵官吳  
瑛畏不敢出

癸亥嘉靖四十二年

八年 卷下 劉子

正庚辰朔佟登為山西總兵官

壬午徐階請增閣員

己丑上諭閣臣誰堪任者徐階對曰知臣莫若君廷臣才品  
誰遜聖鑒但此官不專於才須平正謹實

壬辰奪伊王典橫歲祿三之二革其護衛以殿宮垣不如詔

前巡撫張永明劾之上切責典橫冀其改勵乃更驕甚巡

撫胡堯臣嘗一至洛則大譟恐之門不敢啓

參將戚繼光為副總兵守福寧

廣東倭犯惠潮二府黃岡大澳等處

命山東巡撫右僉都御史張鑑兼督營田設兗州營田同知

乙未河南道監察御史凌儒言時事薦故脩撰羅洪先等皆強年重望上怒其

市恩逮杖六十削籍

虜輕騎犯固原白羊川打刺赤去靖虜百餘里總兵官許經

追之顯新獲踰河值冰洋後騎多溺  
丁酉甘露復降於顯陵遣定國公徐延德往祭



壬寅徐南金為右副都御史巡撫湖廣  
乙巳免江北災傷田租有差  
設澄海普寧二縣俱潮州

旌故文思院官呂陞妻周氏陞死自經

虜五千騎犯宣府滴水崖叅將宋蘭游擊麻錦等戰敗遂掠  
永寧隆慶駐東西紅山窺全道前大同總兵官劉漢力戰卻  
之遂西由柳溝據虎皮寨攻張家堡不克而遁

二 唐成朔恭順侯吳繼爵充總兵官鎮守兩廣  
總督江東招東虜一千八百有奇

用 王成肅府鎮國將軍弼柿進封肅王弼柿父肅靖王真於沒  
後追封例不得王以周王朝埴朝堵例請特許之祿仍鎮國  
虜寇遼陽副總兵楊照遮擊之清河未幾復犯長安堡照設

伏統出虜前斬七十五級

乙亥 考察朝臣

興化倭結巢崎頭城泉州衛都指揮歐陽深晉江諸生薛天  
申勦之中伏戰死倭乘勝陷平海衛贈天申指揮僉事

丙子免湖廣水災田租有差

戶兵部侍郎呂時中葛縉罷福建巡撫右僉都御史游震得



免後削籍

戊寅福寧倭陷寧德縣先後凡四陷矣

三廟辰譚綸為右僉都御史巡撫福建

乙酉南京禮部尚書李璣戶部尚書霍冀右副都御史曹忭

羅崇奎右僉都御史蔣宗魯俱考舉拾遺罷

丁亥浙江巡撫趙炳然請練義烏土兵從之

初武定土知府鳳詔死亡子母瞿氏襲而老舉婦鳳索林自

代又悔之比索林襲官失事始禮瞿氏收異姓子繼祖入鳳

氏譜挾甥壻水西土舍安國亨建昌土官鳳氏力欲廢索林

以繼祖嗣不克則誣索林囚己今繼祖詣闕告之歸偏索林

索林抱印奔省城仍歸武定隙滋甚繼祖遂圍府掠和曲祿

勸等州縣巡撫曹忭收索林令瞿氏攝事貸繼祖巡按御史孫月議

勦部下守臣酌之

馬森王國光為戶部左右侍郎郭乾為兵部左侍郎胡松回

部萬虞愷為南京刑部右侍郎教宗慶為右副都御史巡撫

雲南吳維嶽為右僉都御史巡撫貴州

甲午嚴訥為吏部尚書李春芳為禮部尚書董份回部

丁未禁織玄黃龍鳳色



四期戎嚴嵩上祈鶴文檢及法秘嵩歸至南昌延道士田玉等  
為上醮鉄柱宮玉因以所藏召鶴符驗法書附奏嵩玉皆  
賞賚有差  
己未脩興都志從禮科都給事中丘岳之請禮部左侍郎董  
份為副總裁右春坊右諭德兼翰林院侍讀張居正司經局  
洗馬兼侍讀林瀛脩撰諸大綬檢討吳可行為纂脩

癸亥刑部左侍郎葉鏜右副都御史裴紳調南京南京刑部  
書尚盧勳宣府巡撫右僉都御史趙孔昭俱劾免  
逮興化衛指揮徐將楊一輔法繼勳通判李邦先百戶潘鏜

易中孚壽寧知縣章銳典史沈洪王濟等入京與參政翁時  
器參將畢高等凡四十二人其副總兵楊縉參將黎鵬舉下  
臺獄訓導盧學顏贈太僕寺丞廕子入監學顏死倭難

英德大坡蒲昌等峒賊平

甲子郭乾為右都御史兼兵部右侍郎總督陝西三邊周相  
為右副都御史巡撫江西

丙寅楊巍為右僉都御史巡撫宣府

丁卯副總兵戚繼光總兵劉顯俞大猷攻倭於平海衛大破  
之斬二千二百餘級傷溺亡筭自是福州以南諸寇悉平



己巳金星晝見壬申始伏

癸酉海鹽午潮有海馬萬數沿行三十餘里入海聲震甚其

一最巨高如樓

乙亥新會縣地震

廣東廣州府

尹臺為南京禮部尚書吳桂芳為右副都御史總理河道

五戊寅朔初哨卒出古北口為三衛夷撲殺我四人至是夷酋

通罕漢款關求賞副總兵胡鎮伏兵執之及其黨十餘人其子

求易以哨卒薊遼總督侍郎楊選遣還十餘人獨留通罕蓋

辛愛之義妻父也欲牽制辛愛使毋寇邊俟其子入質乃遣

烟侈其功賜金幣有差

庚辰夜月掩木星

刑科左給事中陳瓚請斥遺奸採遺賢遺奸為文選郎中南

軒遺賢謂在告諸臣部覆軒悞則有之贓則否 上調軒責

瓚欺擾杖六十削籍

癸未戶部覆巡監御史伍令議葺法每引仍三百五十斤

乙酉遼東總兵官吳瑛下御史論罪以去冬怯虜也

庚寅許安南入貢自戊申莫宏灑入貢禮部以名分未定止

其使於南寧移牒國人核之辛亥授宏灑都統使值國亂久



未領牒前使黎光賁等留十五年從者物故大半至吳宏灑  
以請

壬辰林庭機棉為南京工部尚書胡松為兵部左侍郎蔡汝楠

回部孫植萬虞愷為刑部左右侍郎

甲午陳其學為右副都御史巡撫陝西吳百朋為右僉都御

史撫治鄆陽

楊照為遼東總兵官

丁酉裴宇為南京禮部右侍郎喻時為兵部右侍郎協理戎

政

癸卯免興化田租三年

甲辰趙大祐為南京刑部尚書劉燾為右僉都御史巡撫大

同

三甘州茶馬司

廣東程鄉賊平

六甲寅陸穩為南京兵部右侍郎張舜臣為南京右都御史

山西巡撫楊宗氣請扣民壯銀益兵餉從之

戊午釋通政司右叅議胡朝臣獄朝臣初為工部主事作革

甲工人侵牟不之察下鎮撫司坐贓五百金四十非其罪也在繫



十餘年至是得白釋為氓  
辛酉馮森黃養蒙為戶部左右侍郎右僉都御史吳百朋巡  
撫南贛  
甲子醮大高玄壇至八月終止停常封  
庚午方士趙添壽上符法三十六卷授道錄司右演法勅遣  
還鄉  
上諭段正違限為謗事上玄徐階言段限故違原有司貪肆  
納賂陞遷以職事為亡益聞有起解在途者非由謗事上玄  
也

七 明申諭撫按官徧歷郡縣察奸弊

總督戎政鎮遠侯顧寰條京營事宜精挑選之法作將士之  
氣明補替之例禁奸詭之習專兵車之教數預器械之設定編派之規部覆  
從之

八 明辰定操江信地初南京兵科給事中范宗吳言操江都御

史專江防應天鳳陽二巡撫專海防後因倭患以鎮江而下  
通常狼福等處亦隸之操江今宜定圍山三江會口屬操江  
其下屬二巡撫從之  
戊辰左都御史張永明言六事勵風紀公舉劾嚴禁章督守巡



飭糧道稽勘劄上深然之  
前工部左侍郎郭墜卒

虜屯遼東塞下總兵官楊照率游擊線補衮即得功等自鎮  
夷堡出塞分襲之照夜失道行六十里迨旦虜覺中涿矢死  
補衮等力戰斬二百二十級餘虜引去照敢戰知名撫士卒  
有恩贈少保左都督謚 廕指揮同知立祠

九月亥蘇上偶使人醮壇道士嘉定龔中佩不在有惡刑部員  
外郎邵峻者言中佩飲峻所 上怒皆捕杖之中佩杖死峻  
削籍初中佩由道士諳道家神名游燕諸大臣撰青詞輒問

其所出因贈太常博士至少卿賈與峻無交也  
陳堯為戶部右侍郎康朗為右僉都御史撫治鄖陽  
戎仔嚴嵩乞宥子世蕃孫鵠侍養不許

乙未佟登為遼東總兵官  
丙申故海寇漳州洪迪珍降伏誅迪珍王直餘黨也  
癸卯雲南巡撫右副都御史教保慶罷

十胡鎮為山西總兵官  
蠲徐沛豐碭水災田租  
乙巳總督兩廣福建軍務張臬罷時和匪盜李文彪作亂



科給事中陳懋觀言其招撫養寇且閩廣道遠不便兼轄  
遂以吳桂芳為兵部右侍郎提督兩廣軍務兼巡撫廣西

十朝亥狼山副總兵改鎮守總兵官兼轄江南北特命劉顯  
生本固為南京右僉都御史提督操江

丁巳谷中虛為右僉都御史巡撫四川

庚申開任湖廣按察僉事趙祖鵬論先祖初鵬以翰林編脩

外補尋察免冢居不法與宗弟有却別奏其罪逮下法司奏辨謂副

所引東華集中誹謗語乃永嘉王德所著移以隔臣上怒

移寘詔獄按臣勘上謂怙勢暴橫嘗得遺牒云宋魏悼王之

遺因續其譜私祭宋陵名其莊曰護陵拱辰復墜亡妾於宋妃

攢宮之側遂得重論

諭停刑

裁山東兗糧叅政屯田副使

丁卯虜入墻子嶺初楊選質通罕父子三衛夷皆怨蓋與虜

通遂勾虜入寇虜伴東行巡撫右僉都御史徐紳請選守墻

子嶺選曰虜東不為備却為紳自將赴之虜遂突攻陷墻子

嶺寨長驅深入選怒殺通罕父子引兵而尾虜京師戒嚴詔

宣府大同總兵官馬芳姜應熊劉漢等速入援以總督尚書



江東統之分大臣守門鎮遠侯顧寰以京營兵分布中外  
虜屯平谷掠通州 上自宮中望見火光諭閣臣曰虜當不  
遠諸將何不勦逐明日命劉漢護通灣二地馬芳專衛京師  
戊辰總兵官胡鎮孫臚游擊趙濬等逐虜於三河 上曰軍  
得無饑厚餉之俄楊選報虜東退且自詡追殺功請勞士  
上疑問徐階果否階曰賊自香河回通州河之東其大營在  
平谷選往通州謂追送則可追殺未也 上曰此又庚戌之  
轍矣

虜大掠順義三河分兵圍下店胡鎮孫臚趙濬等援之虜大

至圍鎮數重命祝福馳赴未至而敗濬臚死之鎮潰圍出殲

三千人遂大掠灤東諸縣

上諭東見火影緹衛云虜也兵部報楊選兵至通州故令遣

伺其入援馬芳以補子漢五千人已至姜應熊尚未入閔祝

福纔至良御徐階請俟馬芳至犒之

己巳諭戶部發粟賑避虜涿民發固金五千犒援兵

庚午徐階請九門賑粥是日楊選報虜東退

癸酉逮楊選徐紳及密雲兵備副使盧鑑分守墻子嶺叅將

馮詔延綏游擊將軍嚴贍通州叅將胡燦指揮楊瀛等下鎮



撫司命宣大總督江東嚴兵追勦  
甲戌夜火星逆行起胃宿抵婁宿

乙亥大同巡撫右僉都御史劉燾為右副都御史總督薊遼  
進胡鎮都督同知鎮守薊遼總兵官

大同總兵官姜應熊敗虜於崑雲斬三十餘級虜自三河漸  
北京師稍解嚴

上諭楊博虜滿載去殺未半何以威將來

李遷為工部右侍郎總理河道

潘晟復為南京國子祭酒

十月丙子朔諭閣臣虜不聞耗二日矣連日風寒將士凍苦其

速令勦與守用仲夏威仰承玄助

丁丑虜遁京師解嚴遣馬芳姜應熊回鎮時援兵俱望虜塵  
尾之至鴿子洞叅將郭琥伏火器待之頗死乃改道出虜磨  
飽且疲極失道諸將竟無敢發一矢者

錄戰功進江東太子太保廕子入監餘陞賞有差贈趙溱都  
督同知廕正千戶是役也我謀知虜情集甲墻子嶺三衛夷  
導虜詔楊選以潘冢口遂携赴之致敗逮選等諸臣益懼日  
三四報捷冀惑聖聽 上雖厚賞江東等不一及本兵意有



在也 上曰朕不賞博博或積後學如丁汝夔矣博惶恐徐階為解乃罷

己卯山西右叅政張邦彥為右僉都御史巡撫大同董一奎為山西總兵官

前太子太保兵部尚書聶豹卒豹字 永豐人正德丁丑

進士筮仕華亭進御史守蘓州平陽至今官好講學市名年

七十七隆慶初贈少保謚貞襄

呂光洵為右都御史巡撫雲南遲鳳翔為戶部右侍郎

南魏尚純為右副都御史巡撫保定趙炳然進右都御史仍

巡撫浙直

兵科都給事中邱橐等陳邊臣善後事宜破邊官之常套除

邊人之積蠹略邊務之虛文 工初愠楊選之啓學以橐不

早言下錦衣獄杖六十削籍餘論邊吏

詔今後援將聽薊鎮總兵官節制竟聽遣不必聞白督撫

甲申夜火星逆行建禳典百官素服脩省五日

丙戌前太子太保吏部尚書聞淵卒淵浙江餘鄞人弘治乙丑進士

授刑部主事歷今官凝重渾沉端毅有守四十餘年夷險一

節有古大臣風其典銓值嚴嵩齟齬引去然功名頗損於初



贈少保謚莊簡

辛卯進趙炳然右都御史巡撫如故

壬辰大學士徐階言二事曰尊主權臣每見旨意之下內外多不遵奉如勘功罪不惟公私難知而且動至經年之久徵錢糧不惟期限屢違而且寂無一字報禁私餽則潛行於昏夜以售欺劾貪肆則聊及於孤寒以墨責敢於抗違明旨是主權未尊也曰定國是竊見士大夫以虛文巧飾為有才而誠慤者則詆以為拙以怙勢作威為風力而敬慎者則笑以為懦以怠慢泄沓為得休而勤勵者則鄙以為俗派以容奸庇惡為長厚而明作者則謗以為生事甚至以謀國為過計以恤民為迂談以持法為苛刻以秉公為乖僻是國是未定也

上是之

乙未夜火星順次內殿奏謝

丁酉兵左右侍郎喻時蔡汝楠改南京湖廣布政司參政

李燧為右僉都御史協理戎政大理寺少卿萬恭為兵部右侍郎上疑樞臣不任問徐階以時汝南非恢廓才上問鄭曉楊順葛縉何如階曰曉文士順縉成匪人令吏部舉可者尚書嚴訥以燧奏上



雲南易門賊李向陽等作亂自稱混天大王掠安寧三泊諸處南安泥叢諸賊響應巡撫右都御史呂光洵討平之  
己亥命有司瘞遺骸

誅楊選深妻子二千里巡撫徐紳論死副使盧鑑等戍邊  
李登雲為工部右侍郎李遷回部張守直為大理寺卿  
十月己卯工部尚書雷禮請增繕重城從之

丙午太僕寺卿劉畿言馬政廢弛其累年借支馬價別費者督令還寺 上是之  
丁未戶部會邊臣條議邊餉十二事曰增河南山東民兵免

調人徵三金曰復兩廣預備銀歲濟邊十萬兩曰新開商稅解部曰江淮濟川二衛空役銀解部歲二萬五千金曰查催各省屯田銀量解三之一曰河南兗小灘漕餘米歲解萬金曰扣江西機兵工食解二萬金曰覈長江蘆洲稅曰吏承班銀曰覈缺官俸曰催契稅商稅引稅銀曰開例貢納級 上從之

己酉禁遼東通糶於登萊初遼饑暫開既而遼商利海道之便載貨往來山東寧復設山東濟南道按察僉事裁赤城懷隆二兵備  
諭禮部宣示朶顏三衛屬夷毋懷二心恐海禁漸弛或有後患玩請禁止



癸亥宣大總督江東條議主客錢糧盈縮事宜  
壬申官軍敗速卜亥於沙河鋪斬百餘級

甲子嘉靖四十三年

正月乙亥朔丑夜大風諭兵部謹邊翌日又風  
上曰昨夜風雨異卿部慎

之若徒往來文書何益於事楊博因請先嚴宣薊次各鎮  
上曰屢命之矣毋虛文取罪

辛巳雅州地震聲如雷

乙酉命戶部嚴核莞糧郎中出入

丁亥東虜土蠻黑石炭等萬騎犯薊東一片石黃土嶺叅將

白文智總兵官胡鎮游擊董一元等據牆拒之不克攻已援  
至而遁斬百七十餘級壬辰又大破之葦子谷斬三百七十  
餘級進總督劉燾兵部右侍郎兼右僉都御史胡鎮廕錦衣  
百戶餘有差

甲午諭兵部擇京營大將初上諭徐階曰鎮遠侯顧寰令  
整京練可耳故當別選副將一二可破敵衝鋒者上欲發  
萬金勞軍徐階曰春防既賞秋防將引為例賞不足恩闕通  
生怨不若足其餉可也上深然之

丙申雅州地復震



增永定等七門甕城

潮州地震聲如雷

辛丑安南都統使莫宏灑卒宏灑始襲都統使故臣黎伯驪  
數擊漢下奔海陽不肯者久之及沒子茂洽使龍憑指揮盧  
堂告訃

裁宣大屯政僉事薊州懷柔道兵備僉事

二月己潘晟為南京吏部右侍郎霍冀為南京兵部右侍郎陳  
堯為工部右侍郎總理河道劉體乾為通政使  
免順天三河等被虜田租

壬戌南京戶部尚書鮑道明致仕

宣府巡撫右僉都御史楊巍疾去

初雲南巡撫敖宗慶發土漢兵討鳳繼祖逃江外殺其弟繼

英留兵守武定繼祖乘虛入之又議大發兵繼祖惧發千五

百金願分普渡河外四庄自給事聞許之

閏甲戌朔李秋為右僉都御史巡撫宣府

丁丑吏部尚書嚴訥禮部尚書李春芳吏部左侍郎兼翰林

學士董份直西苑

戒周府宗室田宅違制及濫受投獻者



戊寅免南昌瑞州九江水災田租有差  
張舜臣為南京戶部尚書

虜犯遼東果松谷守備王繼屏禦卻之

丙申汀漳盜與江西建城寇合拒傷官軍漳平知縣魏文瑞  
死之贈光祿寺少卿

壬寅孫植為右都御史

三 己卯起錢邦彥刑部左侍郎

辛亥南京廣道試監察御史俞咨益請重遠方守令從之

甲寅東莞弁師徐永泰等四百人守柘林澳五月不餉以指

揮韓朝陽副總兵俞大猷謂之戎潮陽海港也益怒執朝陽

投海寇合向廣州事聞潮州知府何寵千戶于英下臺獄海

道副使方逢時僉事徐甫率奪俸

廣東官軍擊潮州倭寇敗之

己未上禱雨洪應雷宮

辛酉暑訊宥大辟二十一人前戍邊科給事中沈東妻張氏以

東不預訊奏東父老八十有九東又未有子氏願代繫斬令

送父餘年仍赴獄待罪法司亦為之請不聽

癸亥大風霾命百官致齋九日遣尚書嚴訥李春芳督察不

繫錦衣獄東



度者

甲子黃霪雨土

四明亥免畿內水災田租有差

戊寅罷山東巡撫右僉都御史張鑑以均田保甲法賈怨也

鮑象賢為戶部右侍郎無右僉都御史代之

巡撫貴州右僉都御史吳維嶽招都勻府平州長官楊珂降

之珂先是叔進雄逐之搆亂至是遣推官胡校招之許以不死乃降

庚辰雨群臣表賀上悅賜祭告宮廟諸大臣金幣

乙酉秦鳴雷高儀為禮部左右侍郎

黃印為湖廣總兵官

順天府尹劉畿請城張家灣從之

命順天府丞郭汝霖通判歐陽昱內官太監桂琦為植

庚寅陳以勤為太常寺卿署國子監祭酒

大雨雹

壬辰汪道昆為右僉都御史巡撫福建

庚子水火土金四星聚於柳

辛丑徐仁為陝西總兵官

巡撫雲南右都御史呂光洵會兵討武定判人鳳繼祖併擊



貴州土司安國亨於霑益敗走之

五朔員朔日食

癸卯定邊方督撫官考績例僉都御史三年陞副都御史副都御史陞侍郎俱如舊如僉都廕子副都給二品服俸止許極邊仍臨期奏請其山西保定陝西近邊不概給或極邊功

少亦不許

巡撫保定右副都御史魏尚純疾去

己酉張師載為右僉都御史巡撫保定

壬子總理河道右僉都御史王士翹罷士翹薦方面官四十

五人察處副使雷起麟亦與焉科給事中趙灼劾其違例

市恩也

甲寅金星晝見

乙卯桃夜降於御幄左右云其空墮從中工喜脩迎恩典五日

丙辰桃復降白兔生二子上益喜謝玄告廟頃之壽鹿亦

生二子群臣表賀上以奇祥三錫天錫非常詔答之

丁巳金星復晝見

建洪法太素殿

六朔辛未朔申監察御史朱炳如工鹽政四事曰江西舊行淮鹽已南



贛袁吉改行廣鹽易私販宜袁吉仍淮鹽曰溧陽近浙西鹽  
場宜禁浙鹽曰南陽汝寧陳州原行淮北鹽近轉河東巡鹽  
不得一概舉劾曰衡州甯慶近行廣鹽宜照例納銀補兩淮  
優免之數工從之

癸酉命總兵官劉顯鎮守浙江  
丙子右副都御史楊宗氣總理南京糧儲  
設廣東海防僉事

辛卯廣東總兵官俞大猷副總兵湯克寬大破倭於海豐大  
猷圍守二月餘賊欲走克寬伏兵大埔寨擒斬千二百餘人

又各哨零級千餘人自是餘倭無幾迹山數間漸捕盡

丁酉京師重城成

七 丑寅毛鵬為右副都御史巡撫山西

乙巳監察御史董堯封上薊遼等處練兵數總兵官尹秉衡  
等奪俸有差

丙午南贛官軍討程鄉盜余大春范繼祖擒之

戊申河南右布政使王崇古為右僉都御史巡撫寧夏

定三衛海西夷人入貢無過百人時鴻臚寺序班陶貴伴送  
海夷四百餘人還至三河暴甚三河驛丞楊松以狀聞請量



分其衆先後續發故有是命

震

吏科給事中胡應嘉請慎行取慎題覆從之

協理戎政左僉都御史李燧罷進趙炳然為兵部尚書協理

戎政

前吏部尚書夏邦謨卒邦謨涪州人正德戊辰進士授戶部主事其撫江南平海寇均賦額丹陽人允德之暨典銓專事

嚴氏敗名

庚申加河南左布政使趙希夔俸一級時秩滿以籓戚不得內轉故加俸著為令

監察御史董克封工三鎮兵餉贏縮之數

戊辰劉畿為右副都御史巡撫浙江

八 庚午朔集議京營戎政核操練核戰守核將領核軍士核論議核火器核車兵核城守核彈壓核哨探

前戶部左侍郎傅頤為南京太僕寺卿

丙子以萬壽節進徐階兼建極殿大學士子琨進尚書少卿

進袁煒少傅兼太子太傅建極殿大學士吏部尚書嚴訥禮

部尚書李春芳各太子太保朱希忠子時泰進都督僉事賜

都督朱希孝肩輿吏部左侍郎董份加工部尚書



甲申前左春坊左贊善兼翰林脩撰羅洪先卒洪先字達夫  
吉水人嘉靖己丑進士第一授脩撰己亥遷贊善清素自守  
好講學隆慶初贈光祿寺少卿謚文恭

乙未洪應壇等殿成

九司寅停百官食鹽初官民食鹽計口納鈔開支京官歲撥吏  
下場收買恣為奸利錦衣衛至連舟塞河而上後巡鹽御史  
令運司具百官食鹽額以待錦衣之私販頓息至是吏部驗  
封郎中陸先祖請尚書嚴訥革之停支惟御史歲支如故  
淮安大饑

甲辰傅頤為

戶部右侍郎

丙午跡潮河川初薊遼總督駐密雲歲陸運通州十萬石至  
牛欄山轉密雲至是劉燾以潮河川達通州更舟抵鎮為便

賜金幣

巡按應天監察御史陳瑞言故莒州人孫鏜僑寓松江自具  
弓劍率死士百餘擊倭敗之南淮又敗之葑門迨至石湖橋  
陷伏死羈旅之人捐貲糾黨以赴國難事偉報茂忠魂未慰  
詔贈光祿寺署丞至是廕子入監  
錄囚宥大辟十九人



戶部右侍郎傅頤被論免

增遼東叅將從巡撫王之誥之請

浙江守臣言嘉靖四十年倭犯龍泉故巡簡黃尚正引鄉兵禦敵追奔見擒遣其養子進還約為內應及期官軍不至尚正乘入賊帳斬三渠首旋被支解進聞變悲號隨亦遇害乞加贈廕以勵方來贈太僕寺丞廕子入監

諭戶部選上米千石進內卿等思足國安在尚書高耀工八事

辛酉 上密諭徐階太倉餘石對曰上年米賤太倉餘二十

餘萬石緣折兌每石該七錢二十萬石宜十四萬金今給軍每石五錢是二十萬石止十萬金則省金四萬餘米八萬

臨淮侯李庭竹鎮守湖廣郭江為陝西總兵官

十 甲戌採訪秘法監察御史王大任姜倣還報命皆陞翰林院侍讀學士賜第京師時上法秘數十冊及方士唐秩劉文彬等數人皆贅書庸術 上特名收之冀遍其真

丙子命谷中虛以原官巡撫湖廣

己卯諭法司停刑

戊子金星晝見至辛卯滅



己丑劉自強為右副都御史巡撫四川  
巡撫山西右副都御史毛鵬罷

詔兩京同考官仍教職時給事中辛自脩鄧楚望御史羅元  
禎各摘順天科場奸弊章禮等五人冒籍監生項元深等三  
人關節元深為禮部主事戚元佐之里人又尚書高燿子堂  
託考官主事陳洙外蓋宛平縣丞高燦即燿弟也下禮部斥  
冒籍陳道歲呂祖望餘准禮闈是歲兩京分考用進士就近  
選得預擬滋議故罷之仍通斥冒籍諸生  
乙未監察御史李文續請各衙門官改翰林定明年選庶吉

士

己亥萬恭為兵部左侍郎巡撫山西

減各處積穀之半直隸巡按御史宋纁言歲派積穀徒資墨  
吏培克不如罷之否則稍減其數部覆先年給事中胡叔廉  
已奏減其半今再減半可也從之

十月庚子朔詔清各監匠役已太監滕祥等言若付有司動延  
旬月有悞供用遂寢

辛丑逮嚴世蕃羅龍文入京初嚴世蕃戍雷州徽人羅龍文  
自總制胡宗憲所得通嚴氏官中書舍人以善世蕃亦坐戍



涪州然皆私過其家不之戍所世蕃家居多不法大治私第  
役使鄉衆而羅龍文有匿盜跡會林澗巡視上江密檄徽州  
推官采和偵捕龍文具知龍文在世蕃所即奏二凶狂悖當  
誅死陛下寬其罪不自悔恨反懷怨望蔑國法身坐私家  
不赴伍龍文居嘗衣蟒衣環列伎女招集惡少出入靡常世  
蕃暴橫鄉里不異其在朝或肆訕毀或縱淫樂或奪人財產  
鄉里訟寃官司動以百計近以造室為名聚衆四千餘人人  
心動搖百姓逃竄以世蕃之逆濟以龍文之險踪跡莫測禍  
機所伏乞械致京師明正二凶罪跡入命即以世蕃龍文付  
澗逮捕時世蕃子紹庭尚官錦衣急足報世蕃之急赴戍澗  
至九江遣捕則世蕃到戍二日而龍文自跡走入梧州各收  
送京師澗復論世蕃諸不法狀勢且為大逆不道

乙卯罷寶源局鑄錢

丁巳王之誥為兵部右侍郎

戊午戶部覆刑科給事中張岳議查庫藏事宜定三六九日  
同科道驗發

更定歲貢法務得人毋循廩次如部試省斥五人提學官降  
級



安南入貢自二十七年例格至今始工

十  
辨誠偽以端士習公輿論以畜真才遏奸宄以作士氣覈部  
差以肅官守止開納以議兵餉部覆從之惟開納如故而岳  
多刺本兵於是楊博求罷 上慰留之

丁丑劉應節為右僉都御史巡撫遼東

庚辰 上祈雪於雷壇洪應

甲申張玘為南京戶部右侍郎

廣東平遠知縣王化加潮州府同知仍旌其妻計氏貞烈以

橋田坑盜梁國相也

直隸提學御史徐燿議革宛平大興冒籍諸生五十餘人諸

生囂然不平 科給事中何起鳴罪燿失士心致相詆各奪

月俸時深以燿謬也

壬辰賁西古田鳳凰山賊夜入桂林劫布政司庫四萬餘金

金 若干叅政黎民秉謂宗室也諭止之見殺仍縋出

丁酉 韶山盜涿劫乳源江灣守備賀鐸劾級指揮蔡允元

迎戰見殺贈鐸都指揮使允元

虜犯山西太原岢嵐等處殺掠八千餘人游擊將軍梁平守



備祁謀死之賜祠祭贈  
順天山東大饑

大同新平新遠三堡兵襲虜斬三十餘級虜恨之分擾宣大  
俺荅五千餘騎入朔州掠我廣陵王府餘慶郡王賈氏婦趙  
全妻之俺荅封全儀宿倘不浪

叛人趙全李自馨等採大木復起朝殿及寢殿各七重東南  
立倉凡三重城上樓五層繪龍鳳麗甚又土堡作大第一區  
門曰石青開化府儀門曰威震華夷東蟾宮西鳳閣城樓曰  
滄海蛟騰

乙丑嘉靖四十四年

正月朔賑畿內饑民

丁未景王載圳薨無子還葬西山王母靖妃盧氏妃素不為

上所喜十一年同裕王封並邸形跡相擬久之就安陸

上聞訃諭徐階曰此子素謀奪嫡今死矣年二十九謚曰恭

其妃還京孤嫠困憐幾不聊生乳母至行乞門者聞

辛亥上不豫

甲寅寧夏兵出清水營擊虜斬獲七十人

乙卯吏部大計



丙辰設老營副總兵御史溫如璋條備倭方略曰脩城堡以

防要害脩家河沙吳淞舊城裁武冗以專戰守金山游擊聯備禦

以固防守部覆從之惟裁冗更議

乙丑兵科給事中邢守庭等言邊事運籌未盡周報功未盡

實上嘉納之

二朔子 上疾愈太醫院使徐偉加右通政使遂舉吉典於大

玄都殿七日

詔衡州吉安仍行廣鹽

乙亥延綏兵出塞斬獲一百三十四人

庚辰前南京吏部尚書王崇慶卒贈太子少保

套虜犯寧夏總兵吳鼎值于興武營之驢灘斬七十四級始

遁

三朔戌朔貴州都勻烏撒二衛地震有聲

己亥大明門內千步廊火明日遣告郊廟社稷命百官脩省三日

戊申吏部尚書嚴訥請咨訪卑職雜派從之

己酉復命壽恩宮曰萬壽

巡撫遼東右僉都御史王之誥言墾荒八事議工力議牛具

議種子議車輛議草稽議倉廩議責成從之



庚戌罷刑部右侍郎萬虞愷調貴州右僉都御史吳維嶽南

京

壬子御萬壽新宮改二十一日進士傳制臚

丁巳策貢士陳棟等三百九十四人於

賜范應期李

自華陳棟等進士及第出身有差

少傅大學士袁燁疾篤致仕

己未以兩房中書闕徐階請就下第貢士選文學能書者題

授

辛酉嚴世蕃伏誅嚴世蕃羅龍文逮至御史林潤再劾之下

刑部讞上論死工曰世蕃蓄逆非常爾等皆不推究總挈

潤跡如其說足示遠耶其會同都察院大理寺錦衣衛再鞫

之尚書黃光昇乃上言世蕃交通倭虜謀逆有狀請亟正典

刑以快天下上尚銜嵩曰曷不言逆本命即斬世蕃龍文

籍其家戍其孫文武官及舍人二十七人按世蕃一兇豎耳

乘上急盜權罄帑背公豈可謂無罪乃坐謀叛死非正律

也嚴氏追贖二百萬其貲稍佚蔓及無辜一省騷然龍文贓

二十萬世蕃急時厚賂徐階階方遲疑楊豫孫德惠之令速

死



陸樹聲曰分宜機腸滿腹急則駕禍於人觀其擠貴溪於  
死地其智計詭矣卒之子陷大繆籍錄其產身不能庇一  
椽故曰張機者陷於機設險者死於險  
談遷曰嚴氏始以醇謹進心本狡媚盜弄國柄世蕃濟惡  
黷虐布於天下迨奉譴責猶不自戢華亭巧中遂授其首  
嗟乎三尺法至平也舍奸黨之正條坐不軌之苛論自置  
相以來未之間矣或曰王曾計除丁謂華亭雖任術庸何  
傷  
虜犯遼東寧前小團山叅將線補袞禦卻之追至黃土臺虜

大臣被圍與游擊楊維藩死之俱贈都督僉事立祠

四 丁卯朔

韓府宗室殿平涼知府祁天叙戒飭之

壬申大學士徐階一品十五年考滿授上柱國詹尚書司丞

宴禮部辭銜宴

潮州同知王化為廣東按察副使鳳陽同知江東為陝西按  
察僉事辰州通判邵元善為四川按察僉事廣安知州張鐸  
職為雲南按察僉事碣石衛經歷郭文通駛為肇慶府同知  
東寧衛經歷蔡琮駛為淮安府通判福清縣丞陳永員為興  
化府通判叙浦教諭李瑛歲為大理寺右評事河內縣典史



薛侃更為曹縣知縣福清縣倉副使聞鑑為連州判官俱治  
行卓異拔之

吏部尚書嚴訥禮部尚書李春芳俱兼武英殿大學士直文  
淵閣

庚辰盜劫金壇縣庫

壬午少傅兼太子太傅戶部尚書建極殿大學士袁煒卒煒

字慈谿人嘉靖戊戌進士及第授翰林編脩歷相前後

恩賜冠於廷臣致仕道卒安山驛贈少師謚文榮初階徐督

浙學政試煒下下及同相不甚歡

董份為禮部尚書

虜犯肅州總兵劉承業等禦之斬十餘級明日虜大至擊斬

十六級始遁

癸未王廷為戶部左侍郎毛愷為刑部右侍郎

改陝西巡撫陳其學總督南京糧儲

起吳維嶽為右副都御史巡撫貴州

刑科給事中張憲臣請覈供用庫錢糧從之因命御馬監工

馬匹實數

莫目啞啞喇歸氏浮海求貢初稱滿刺加國又稱蒲麗都國



禮部議南番無蒲鹿都或佛郎機詭託也不許

甲申倭犯通州官軍敗之走三沙副總兵郭成等追敗之海

中沉其舟

丙戌 上禱雨洪應壇

戊子倭犯温台官軍擊敗之塢口竹嶼逐海外

己丑雨百官表賀

陝西總督郭乾報延綏寧夏搗虜功叙賞有差

詔安賊吳平復叛沐劫惠潮及詔安漳浦福建總兵官戚繼

光襲之賊棄城入舟據海南澳命兩廣兵夾攻

方士趙添壽進法秘三十三種命留覽

雲南叛夷阿萬李向陽等平進巡撫右都御史呂光洵兵部

尚書兼右副都御史餘陞賞有差

壬辰 上諭徐階黑氛擾宮且欲禪位對曰 陛下百神之

主妖何由入禪事所不當言

五月丙申吏部右侍郎朱衡為左侍郎馬森為右都御史總督漕

運張瀚為右副都御史巡撫陝西

庚子趙全等稱俺荅皇帝脩大板升城作殿九楹會大風雷

梁折俺荅畏不敢居



甲辰山西巡撫萬恭請築沿河邊墻從之  
戊申罷雲南鑄錢

辛酉方士黃岡胡大順下獄大順緣陶仲文獲事靈濟宮斥回希

復用更名以寧偽作萬壽金書云呂祖鸞筆又授神丹三丸

遣子玉玄因道錄司左演法藍田玉左正一羅萬象通內官

監太監趙楹獻之俱上所幸者上問以寧安在田玉等

遂詐上旨徵之至則屢上書求見乃大順也命之箕曰不

降問宮怪曰二十一年宮變枉死者為之亦坐藍道行下獄

故有所使然上問徐階對曰大順等皆無賴小人田玉左

甚世蕃黨也水銀決不可餌箕降或有大較此曹非能究其

術媾結左右得上意或能答今粹不得故託不降宮怪久

矣聖人所不道若夫詐傳徵旨罪惡特深望聖明速斷上

悟逮送法司重擬趙楹具密疏殿標中將為大順伺間訴上大

怒付拷託司禮監俱論死楹尋斃上責尚書黃光昇逆囚不

合肆市曹得自斃奪卹中方良曙俸二月

虜數千騎突入延綏黃甫川初數騎漢服叩關云役自大同

關人入之大衆奄至把總高尚鈞中流矢死焚掠四日攻堡

不克而去



壬戌右僉都御史王本固會都察回院事升撫治郎陽右僉都御史

康朗為右副都御史巡撫貴州

南京刑部尚書趙大祐疾去

山西巡撫萬恭言邊事戰守之策有四難夫總三關三萬之

兵常虜十萬之眾是衆寡異形也兵以不習而脆虜故射獵而驍

是強弱異勢也我兵三萬散守百里之外賊以十萬馳逐於數

十里之中是萃散異用也賊五倍於我我多步卒利守賊騎二十

倍於我是攻守異施也當此之時非大加變通臣恐不知所

終矣因陳便宜十事議聯絡議收放議脩築議防守議勾充

議接濟議操練議賞罰議招回工從之

六甲戌議操練睿宗原廟前殿東柱生金芝上大悅謝玄告廟百官表賀名

原廟曰玉芝宮奉睿宗帝后高士包存蘭蕙提點奉事

戎寅朱衡為南京刑工部尚書陳志為右副都御史撫治郎陽

洪朝選為南京右僉都御史提督操江

禮部尚書董份削籍罷江西巡撫右副都御史周相各被劾

也

甲申作玉芝宮名宮門曰芝祥前門曰寶慶寢殿曰大德

丙戌貴州巡撫右副都御史康朗罷



戊子高拱為禮部尚書

甲午胡松為吏部左侍郎周如斗為右僉都御史巡撫江西

陳洪濛為右副都御史巡撫貴州

虜入宣府遂掠大同

七朝丑秦鳴雷為吏部左侍郎署詹事府事

進吳有朋為右副都御史巡撫南贛如故

山西巡撫萬恭言往年虜入內地各郡縣衛所官皆以傳報

防守之責誣之將領雖村堡蹊躑而譴責不加非法也今宜

責成如內地失守郡衛參治如律州縣以下容臣等治罪又

邊將失事雖奉旨提問或勘合未到或按臣交代輒得逃避

非罰不踰時之道自今請失事官拘繫按察司待問上從

之

總督宣大尚書江東言邊事增脩城堡以盡險要添募軍士

以實營伍議處守操以嚴鈐束移駐將領以便控制

移和給處馬匹以利追逐連接烽火以速傳報從之

辛亥徐沛大水淤運道百餘里

己未禮部右侍郎高儀為左侍郎巡撫山東右僉都御史鮑

象賢為兵部左侍郎謝登之為右副都御史巡撫應天

營國子監祭酒事陳以勤為禮部右侍郎



福建巡撫右僉都御史汪道昆總兵戚繼光遣都指揮王如龍攻龍頭寨賊自四月至是月克之乃奏革巡簡司三軍洋縣于集賢里

南京吏部尚書王用賓改禮部尚書

吏部左侍郎茅瓚上萬壽節頌

戶部右侍郎張玘改工部

乙未南韶兵備僉事劉穩等討山賊卓文勝大破之俘百餘

人斬四百餘級

甲子南京刑部右侍郎蔡汝楠卒汝南字子木德清人嘉靖

進士授

歷刑部員外郎乞南京已守歸德夏去補

衡州治最歷撫河南進兵部右侍郎以足微蹇徙南刑部年

五十詩文雋永所至能舉其職

八月丑朔虜黃台吉突犯宣府洗馬林散掠把總江汝棟伏二

百人不知為黃台吉也出而搏之墮馬俛獲之虜衆力奪去

得其刀胄黃台吉傷重越日乃獲自是頗戒心數年不敢犯

癸酉南京兵部右侍郎霍冀改戶部右侍郎巡撫山東

丁丑高儀為吏部左侍郎教習庶吉士

巡按江西御史成守節上嚴氏籍產黃金三萬二千九百六



十九兩銀二百二萬七千九十兩有餘玉杯盤等八百五十  
七件玉帶二百餘束金鑲璣瑁等帶百二十餘束金鑲珠玉  
香環等三十餘束金鑲壺盤杯箸等二千六百八十餘件龍  
郊壺五珍珠冠六十三<sup>項</sup>甲第六千六百餘楹別宅五十七區  
田塘二萬七千三百餘畝餘玩不可勝計又寄貲銀十八萬  
八千餘戶部議籍產半餉邊半貯庫金寶等入內庫前大理  
寺卿萬宗廣兩按察副使袁應樞通判章澤經歷熊襄同知  
趙瀛以<sup>等</sup>受寄宜章冠帶嚴嵩逆本惟聖明裁斷上曰嵩已  
處分矣餘允行

壬午御几及褥各得藥丸一

上喜天賜躬謝太極殿遣告

宮廟

癸未南京刑部尚書朱衡為工部尚書兼右副都御史總理  
河漕自兩畿山東河南監大夫以下咸受節制朱衡至徐州  
視河決處漲為平陸濬之沙隨水壅淖不可足其旁橫泆汗  
漫舟行樹杪力無所施則下令吏民有能以河事見者立召  
對或言故渠之東曰昭陽河從西來以湖為滙其勢絕渠而  
左衡念舊渠即幸可跡安能使河毋趨湖而新渠故盛中丞  
應期所嘗劾聞以罷去不就在湖之東河即橫決得湖而止



勢必不溢規以為渠宜無河患奏上從之

辛卯作毓德宮

福建把總朱璣協總王毫擊南澳賊吳平於海中陷沒

九

乙未甲午朔錢邦彥為南京刑部尚書陳以勤為左侍郎潘晟為禮

部尚書徐養正為南京右侍郎胡正蒙為太常寺卿署國子祭酒

保定白蓮妖賊馬相等伏誅嘗賚有差安平典史陳萬卷以

功進保定府通判

丙申初議開寧波市舶如廣東巡撫浙江右副都御史劉畿

言浙江海港多兵舡少最難防哨此舉一開島夷嘯聚害不

可弭乃寢

虜犯延綏鎮靖堡中路叅將魯聰率指揮權世爵千戶李朝

鸞等禦之俱敗死虜縱騎圍總兵郭江於魚山苑趙奇於黃

豕梁凡四日會援至而解

吏部左侍郎高儀署翰林院

改喻時南京兵部右侍郎徐陟南京工部右侍郎

己亥前南京刑部尚書顧應祥卒應祥字長興人弘治

乙丑進士授饒州推官遷錦衣衛經歷歷廣東兵備僉事平

寇擢江西副使至尚書嗜書無所不窺尤喜九章句股法謂



能以人法窮天巧贈太子少保賜祭葬

陳堯巡撫河南

陳堯遲鳳翔為刑部左右侍郎

景淳為南京吏部右侍郎

張潮為大理寺卿王煥為南京大理寺卿

戶科給事中周舜岳劾戶部尚書高耀私解戶商人金錢兵

科右給事中馮成能言其貪贖賄章御史張振之等復疏其罪

四吏部覆聞

上曰耀無過近覓香買石少見思獎遂被忌耀

視事如故

虜聚眾威遠塞窺大同警報日數至詔總督劉燾督將吏預防

罷太常寺少卿陸先祖以御史孫石揚劾其性文選郎申時竊

權自恣如同子助教任賢陞鳳陽同知命下私改揚州憚侍

郎朱衡之察出之南部護同年任惟鈞等吏部言先祖性褊

宜策勵供職上不聽勒令間住

戊申戊午交城王表相得白兔於藐姑射山撰頌以獻賜百金綵

袞龍朱衣三襲表相本孽宗賄嚴氏孽交城王至是頌宗藩

條例惧革爵故希罷自固

總督宣大薊遼兵部尚書江東卒於懷來東字朝城人  
嘉靖己丑進士授工部主事歷河南按察僉事總鎮四年嘗  
遣中使魏勞贈少保謚恭襄賜葬祭



已未 監察御史孫丕揚請編派寓人入版籍從之

唐申始定兩淮運司工本鹽初鹽課歲七十萬五千引開邊報中為正引後每引加餘鹽納價運司解部至嘉靖三十二年御史黃國用以運司割沒餘鹽八萬二千餘金給竈戶充工本增收三十五萬引共額百五十萬俱作正鹽開邊仍帶餘鹽如例戶部用以抵各邊年例凡十七萬六千金有奇行之數年運司積鹽如山引亦不售鹽法大滯至是巡鹽御史朱炳如極言其弊謂此法不罷將正鹽一切失之戶部乃請以明年盡停兩淮所增工本鹽三十五萬引其運司扣留割沒餘

銀八萬二千餘金仍解部濟邊

上諭徐階曰昔我諭嵩習武嵩云佳兵不祥古北口果欺犯

茲事博何不預防之對曰保邊固圍莫過於預防博自知利

害切身不敢不預防也且任兵部甚難理邊在總督巡撫兵

備用舍則吏部論劾則科道而用錢糧則戶部每稱缺之其能自主張者惟數將

官而將官又無權近明旨重將權而文官黨結不奉詔此望

聖明一處也 上報曰將官執權甚難且無出類之才卿謂

何以處之對曰將官無權非謂令將官執權也今各鎮將動

有掣肘如把總等官兵部題奉欽依許自辟用令仍聽於巡



撫兵備凡選練便冝俱書生之談強之必行兵馬策應錢糧不時至且總兵為大將而守令得抗禮參將領勅而巡撫至加鞭笞其他聽拜稱呼或卑屈太甚至於總督巡撫兵備亦內相矛盾邊事如此其何能整理

十甲子朔林樹聲為太常寺卿署南京國子祭酒

起譚綸右副都御史巡撫陝西冀鍊右僉都御史巡撫河南

壬申戎政兵部尚書趙炳然總督宣大山西

工部右侍郎張玘卒玘石州人嘉靖己未進士令清豐遷兵

部主事孝友樂易歷官以廉著賜祭葬

丙子河道總督右副都御史孫慎被命不即赴劾免

貴州龍里衛叛賊阿利等伏誅

丙戌山西巡撫萬恭上人耕水車二法人耕每二人日可六

畝水車每二人日可十畝

逮前少保總督兵部尚書胡宗憲尋卒於獄先是宗憲為言

官所劾以書抵羅龍文賄嚴世蕃祈免書未達會世蕃敗巡

按御史王汝正籍其家得宗憲書因言宗憲故交通王直與

援龍文世蕃以免今蒙恩放歸不思補過愈肆倡狂招集無

賴暴橫鄉里其罪不在二犯下又匿龍文長子六一得南走



倭恐江南之事有大可慮者命逮宗憲詰問之子錦衣千戶  
松奇革秩已宗憲奏辨歷叙平賊功并訐汝正私罪上心  
憐之下汝正并訊宗憲尋獄卒詔已之

何喬遠曰朱純精嚴勇任張經持重好謀皆及於禍胡宗  
憲距馳揮霍審機定變如吐雷風亦以不免邊疆之臣任  
事豈不難哉世譏宗憲內結嚴氏高外託趙文華以自固身  
沒既久浙人思之不忘自古未有權臣在內而大將能立  
功於外者道在委蛇矣  
談遷曰杜預通洛中魏遺方嚴氏盛時胡尚書果礮、自

好立罷矣江南中倭患婦孺之命懸於矢刃非胡尚書誰  
為出死力者獻瑞通略雖不執於正論其功宥以十世可  
也中山之篋再入而鳥盡弓藏矣國家酬功類然所以勞  
臣為之累足也

丁丑上諭徐階以皇曾祖避南向今朕御西內如志尊曾無  
二上擇居南京豈謂畜物耶階對此天下必不可行之事臣  
等萬不敢聞命畜物指海瑞也上欲殺之徐階言瑞固草  
野然不過以要領之死沽直耳彼甘於禍則毋務以禍窮之  
彼求夫名則毋務以名成之容而置之彼計失而聖德益廣



矣上曰相國右瑞豈少朕耶

丁亥免濟寧等十四州縣旱災田租有差

詔停刑

十一月戊戌滿季馴為右僉都御史總理河道

庚子進郭朴太子太保

癸卯戶部令各邊上錢穀數

大學士嚴訥予告

甲辰改張守直工部右侍郎

乙巳監察御史張櫟言頃置嚴世蕃於法顯陟鄒應龍以旌

其直中外翕然稱快乃先年諸臣如吳時來董傳策張紳王

宗茂輩皆首發嵩世蕃罪者今或雜戎行或涿瘴癘臣竊痛

之乞赦過錄用以厲直臣上大怒逮治之

戊申奉睿宗帝后主於玉芝宮

辛亥孫吳為大同總兵官

甲寅遼府枝江王致樺薨

辛酉郭琥為山西總兵官

十月癸酉劉自強為戶部右侍郎王繼洛為右僉都御史巡撫

山西



乙亥臨安府同知何啓蒙河陽知縣嚴傑俱貪酷被劾命削

籍仍下傑臺獄諭吏部都察院賍吏俱視此毋貸

丙子時刑科蔡江西巡撫周相巡按成守節等追嚴氏賍而

緩上責卿等代相怨上徐階曰賍原二百萬今相等報二

百五萬五千則數且過之特未完耳乞賜寬宥

南京兵部尚書李遂致仕

丁丑以火星逆行詔脩省是日大雪百官表賀

己卯作真慶殿及大玄都殿

陝西甘泉民李應乾與河內李元俱妖讖惑眾陰構板升諸

虜匿永寧王府鎮國中尉睦林冢刻舉期兵事泄走廢宗睦

榭所捕三十餘人誅成有差睦林睦榭幽鳳陽

癸未故大學士翟鑾謚文懿賜祭塋其子汝忠疏請上念

其質直

丙戌重脩玉牒

四川妖賊大足蔡伯貫習蓮教從者日盛偽大唐大寶元年

旬月間陷合州大足銅梁榮昌安居定遠璧山七城奪巡撫

劉自強俸四川總志曰川蜀多寇蓋由山谿阻險易起戎

心而蔡賊以白蓮作備愚民崇信屢敗而屢不悟也元世祖



時西川趙和尚自稱宋福廣德王順帝時合州大足縣民韓法師自稱南越王皆不旋踵而敗從之者各數萬人卒就誅夷而蔡伯貫何勉等復襲其故智而蹈其覆轍則蓮教之流禍也豈不至酷烈哉向嘗閱夔境有長子山延袤四百餘里東抵湖廣之房竹北接陝西之平利西南則與秦雲閣萬等縣相連內有紅線崖篩羅等處原古砦可容數十萬人上有壤田可資餉給往年鄒藍何勉等咸嘯聚於此副使張儉曾議設堡編夫以嚴其守奈何今廢弛哉噫脩張公之策而嚴行之庶可杜奸宄而慎保障矣

戊子胡松為南京兵部尚書改譚綸巡撫四川

己丑順天巡撫右僉都御史溫景葵罷

丙寅嘉靖四十五年

正朔己朔福泉興化地震

泉州

上密諭徐階劉文彬進藥可服否對曰文彬素不知醫其藥不宜服自古人君悞於方士甚多願勿進也

甲午耿隨卿為右僉都御史巡撫順天

己亥金星晝見

甲辰勅南京兵部節制振武諸營領兵都督以下會各巡撫



備倭

戊申

大風靈示楊博防兵火

張學從之

丙辰

吏部右侍郎毛愷為左侍郎谷中虛為右副都御史巡

撫陝西

戊午四川官兵討妖賊蔡伯貫等擒之降七百餘人蓋烏合

不足勦也提問巡撫劉自強先陞戶部右侍郎許開俸候代

至入朝

己未巡撫延綏

都御史胡志夔罷初兵科都給事中邢守

庭請核各邊巡撫下吏兵二部定去留遂罷延綏巡撫胡志

夔宣府巡撫張西銘遼東巡撫李秋大同巡撫張邦彥

河南巡撫右僉都御史冀鍊改宣府張志孝魏學曾王遴為

右僉都御史巡撫大同遼東延綏

開化礦賊陷婺源

罷惠潮總兵官俞大猷蓋討吳平無功命戚繼光兼領

辛酉真人府道士王中敬為太僕寺少卿李中陽為道錄司

左正一陶倣為太醫院使道錄司右正一屈存輝為清微奉

教演法高士內局高士包存蘭為清微脩成高士

徐階請考補四夷館譯字生從之時韃靼女直等館止譯字



官四人回回西番高昌八百等館僅教師一二人亡子弟西  
天等館教師沒緬甸館師生並絕

二朔亥朔戶部主事海瑞下錦衣獄先是去年十月瑞上言

陛下初年剗除積弊遠過漢文二十年來法紀漸廢名器日

濫二王不相見人以為薄於父子猜疑誹謗僂辱臣子人以為薄

於君臣樂西苑而不返宮人以為薄於夫婦吏貪將弱民不聊

生賦役日煩萬方懸磬諸臣猶脩齋脩醮相率進香天藥天

桃相繼表賀脩建宮室工部極力營繕買香市璠戶部差求

四出無一人為陛下言者夫玄脩以求長生也然堯舜禹

湯下歷漢唐未有至今存者陛下師事陶仲文而仲文已

死彼既不能保其身陛下何獨神其術乎上怒擲之復

取觀反覆太息如是再四竟留中數月至是上疾煩懣諭徐階

曰瑞言是也朕久病大不如曩者安能視朝令人心恨不新

其政其政既新其君御此尊無二五上朕欲別建一宮於南

京又何貶焉階曰瑞誠慙顧殊無一語及傳繼事陛下奈

何出此言且臣聞主聖則臣直陛下天地也何所不容乃

下旨曰瑞畜物詈君不臣悖道錦衣衛其捕付鎮撫司嚴詰

主使同商者既讞上法司擬子罵父律絞竟留中



支大綸曰帝英明果毅好善如饑瑞言太激耳然法司  
希指重擬而竟留中聖度淵邃豈小人所能揣摩哉  
談遷曰瑞麗大辟實黃恭肅之讞所生子罵父律後瑞出  
獄益有聞而恭肅對人謂上疾甚當其怒至不可忍孰  
謂先君而後君不擬重律進者上怒瑞瑞立死矣寧少  
安上意俾就長係寬解或有日其自辨如此夫司寇操三  
尺以生死人第論罪之當否寧顧上喜怒哉所生子罵  
父律一死楊繼盛一死楊使世宗果怒瑞且立致之  
死後寬解何日庸臣事前依違事後支飾大抵然矣宜郭

宗伯正域奪其謚也

乙丑楊豫孫為右僉都御史巡撫湖廣孟養性為右副都御  
史巡撫河南

丁卯前南京工部尚書王鈞卒鈞字

奉化人嘉靖癸未

進士授南京工部主事篤實清謹始終一節士論稱之贈太  
子少保謚恭簡予祭葬

設大同新平堡恭將

甲戌承天大誌成

上察諭徐階我疾閱十四日欲南幸承天拜陵取藥階曰聖



躬至重宜加靜攝南途遼遠輦行勞頓且取藥何躬勞之有

乙亥禡前通政呂希周御史嚴杰按察副使茅坤知府

潘仲騫為秩編氓巡按御史龐尚鵬行部得其不法狀集治

之上言仲騫等既解位失勢與齊民等猶肆虐里中蓋挾冠

帶為重出入公廷故細民莫敢誰何耳宜痛裁之報可

庚辰夜蘭谿大雨雹

辛巳上居恒念承天生長地與徐階及司禮太監黃錦屢

議南幸至是會承天水災顯陵塹墻備守備太監張方湖廣

巡撫右副御史谷中虛以聞上意益決諭閣臣曰朕疾十

四月矣不見愈當南幸承天此原受生地必奏功諸王不必

朝迎用卧輦至七月還京徐階諫不可居教目上復曰朕

脩理龍飛等殿一視之心乃安階曰陛下目南幸至今二

十七年矣自度精力何如往日四方無警塞陸宴然又何如

曩者六飛遠狩根本空虚萬一巨測得無驚虞惟陛下深

思上乃罷而意猶不懌時念鄂中不置云

改遲鳳翔兵部左侍郎協理戎政王本固為左副都御史

工科右給事中何起鳴往勘河工時尚書朱衡議開沂山新

河築隄呂孟等湖防其潰總理河道右僉都御史潘季馴謂



新河土淺泉涌勞費不貲不若濬留城故道因有隙衡持益  
堅身自督治功且就緒故河隄市人以渠他徙賈販不通浮  
議藉謂衡違衆要功或云威斃百餘人科給事中鄭欽  
劾之故遣起鳴視狀

乙酉張桐為湖廣總兵官

丙戌劉體乾為刑部右侍郎趙鏜為右僉都御史

刑部左侍郎陳堯罷

湖廣山寇黃中降中四川萬縣人入湖廣支羅山為盜築牛  
欄山寨周六十里自號天城派劫奉節雲陽降於楚故楚蜀

爭功竟誅之赦其妻子

庚寅諭賑藥薊鎮軍士

三月辰朔虜千餘騎犯宣府龍門等處總兵馬芳追斬三十六

級

甲午太常寺卿署國子祭酒胡正蒙卒正蒙字餘姚人

嘉靖丁未進士授翰林編脩隆慶改元賜祭葬贈禮部右侍郎

戶部右侍郎黃養蒙工部左侍郎李登雲俱劾罷

撫治鄖陽右副都御史陳志免初志以御史按江西代歸崇

安盜劫其西篋建寧推官吳維京署縣捕盜還之志未慎維京



官禮部  
賜言志篋多金寶又賂籍二冊可數萬金工科  
給事中何起鳴劾之

已亥吏部尚書王用賓戶部尚書高耀俱秩滿進太子太保

土魯番速檀馬速叩關請貢許之先是番王沙速檀潛掠北  
虜中矢死馬速其弟也部議遠夷稱貢理無拒絕務遵定貢  
期報可

辛丑前右中允蕪翰林編脩陳謹卒謹字德言閩人嘉靖癸  
丑進士第一授脩撰丙辰使還後期降惠州推官明年改而  
太僕寺丞移尚寶司丞又三年遷南司業甲子改中允慶去

以海成馭九年四十二

丁未工部右侍郎張守直為左侍郎徐綱為右侍郎汪鏜為

國子祭酒

辛亥諭採玉旺峪礦徐階揭止之

壬子劉秉仁為右僉都御史巡撫山東

太常寺少卿邱岳為禮部右侍郎添注初岳禮科給事中請

脩承天大誌至是誌成特遷其纂脩官以脫簡第齎金幣

癸丑洪朝選為右副都御史總理南京糧儲

己未勅靖江王邦寧鈐束各宗時邦寧望損各宗不復稟具

甲寅國子司業胡杰為左中允分校永樂大典

其者



書奪白叔群噪禮禮科給事中辛自脩請重邦寧事權以銷亂萌從之

吏部尚書郭朴兼武英殿大學士禮部尚書高拱兼文淵閣

大學士同直文淵閣

浙江巡撫右副都御史劉畿為兵部右侍郎兼右僉都御史

總督浙直江西軍務增總轄徽饒嚴衢兵備副使駐衢州開

雲霧山礦洞蓋開化德興礦盜汰劫也

辛酉工科右給事中何起鳴勘河至沛縣還如朱衡言舊河

難復遂詔開新河且戒毋速成以留後患

四王朔日食

叅將湯克寬都指揮傅應嘉窮追吳平寇入安南大破之初

提督侍郎吳桂芳檄安南萬寧宣撫司攻之我舟師夾擊於

萬歲山擒斬三百九十八人

歲給京營各家丁冬布花衣銀著為令

乙丑高儀為禮部尚書胡松為吏部尚書

己巳滁州大雨雹

癸酉吏部左侍郎秦鳴雷教習庶吉士張居正為翰林侍讀

學士署院

丙子郭乾為南京兵部尚書盛汝謙為右僉都御史提督操



江  
丁丑滁州地震聲如雷

上又欲南幸徐階言南幸自己亥至今二十七年矣 皇上  
自度精力較彼時何如又邇來十四月相較復何如雖天祐  
萬康然輦行不及宮居之安途次不及殿庭之適 上乃止

裁廣東潮州兵備僉事併於海防道

更定各衛所屯租虧三分以上屯官鑄二級印官一級遞至

七分以上屯官戍邊三年印官降級

已卯兵部右侍郎陳其學總督陝西三邊

先是有旨清理京師鋪行時錦衣官校多占市籍大興知縣

高世儒等奉詔召之承役左都督朱希孝言禁衛清軍例當

免世儒奉詔無狀御史顏鯨言禁軍依馮城社操奇贏以華都市既非人在官然

吏不得問其尺帛銖金世儒召行戶非勾禁軍也希孝庇群

小撓法市恩忤旨謫鯨

增雲南臨沅參將

安普分巡道改兵備道副使

南京掌右軍都督府事誠意伯劉世延引疾自陳疏涉怨訕閑住

丙戌倉場戶部右侍郎劉自強回部



虜犯遼東西興西平二堡備禦苟麒把總張祿<sub>中伏</sub>死之

庚寅紫極殿壽清宮成

辛卯朔木星逆行留守太微垣左執法

五胡辰虜自西平出塞轉掠河東鹽場清河守備即得功扼之

張能峪斬七十五級驅還擄掠甚衆

四川龍州宣撫使薛兆乾伏誅兆乾仇其副使李蕃殺之被

勤<sub>懼</sub>勾白草番分據各關隘絕松潘餉道大殺掠至是戰敗籍

其冢母陳氏及黨二十二人皆誅

定考滿官見都察院禮故事自翰林外率報名庭謁後吏部

藉權踰制始<sub>張滂</sub>不報名陸光祖<sub>又</sub>庭謁左都御史張永明揭其

儀於司務廳而即中胡汝桂仍如故永明以聞命諸司遵旨

至是即中羅良<sub>考滿先詣承明</sub>未免永明奏云卿貳過吏部<sub>與堂官見</sub>後即詣四司門

揖<sub>司官</sub>輒南向答禮不避而司屬顧不下都察院乎上不直良

奪俸二月禮部高儀覆奏如永明言其九卿翰林等官由吏

部後門亦不得徧揖四司報可

庚子石茂華為右僉都御史巡撫甘肅

吏部左侍郎秦鳴雷罷

壬寅定守令非三年不得遷

丙午陳以勤為吏部左侍郎教習庶吉士



周府鎮國中尉勤熨子朝增幽鳳陽先是勤熨越閩言事革  
秩朝增不得封至行乞或代之草奏請貫父罪又言中興四  
事詣闕上之果見錮得衣食

戊申詔天下核補原額守城民兵

甲寅潘晟為禮部左侍郎

改右副都御史洪朝選巡撫山東兼督理營田

已未命南直隸巡鹽御史兼水利

增延安府同知二員駐榆林專脩城堡

六初酉禮部請脩太學從之

甲子增宣府柴溝堡叅將

癸酉河決馬家橋等新隄命朱衡亟治

劉體乾為戶部左侍郎提督倉塲萬士和為右副都御史總

督南京糧儲

大雷雨雹

丙子王治道為遼東總兵官

罷福建巡撫右副都御史汪道昆時右中允陳謹憂居其舍

人與衛卒毆謹出解之被傷卒南京科給事中岑用賓劾

道昆貪污縱士也



七月朔虜寇萬全右衛

增湖廣整飭荆施等處兵備會事荆州撫夷通判駐施州

乙未命宣大薊遼預戰守并令大同伏兵於天城陽和間伺虜

虜深入至永寧水塔口宣府總兵馬芳率把總解生參將補

於漢等擊斬十八級大同山西總兵孫吳董一奎等各援之

乃遁

癸丑兵科給事中魏時亮言安民之要事一宜曰計民生以綏長治

重舉劾以彰勸戒執民行以裕風化定遷賞以嚴責成慎除

授以杜請託重君命以肅臣紀上是之

復設宣府分巡道兵備會事

丙辰虜萬餘騎自延綏平山墩入寇總兵郭琥屯清平堡虜

遂分部為二一奔保安安定塞一掠延安固原總兵郭江副總兵時

鑿值之江堅壁不戰巡撫陳其學度虜深入遣都指揮馮時

養等出塞搗其巢敗沒虜大掠數日而去

戊午都勻府地震

始通天津海運轉餉永平永平自庚戌虜患後燕河石門二

路增餉歲三十餘萬全恃控運右僉都御史耿隨卿議開灤

河自永平西門外百五十四里至紀各庄入海自紀各庄至



天津衛四百二十六里俱並岸海行僅百二十里有河可泊

中間開洋

建河糧河大沽水沽

宜立倉紀各庄受粟天津轉輕舟自灤河達之永平於今便

之  
晉府永和壬新壇獻白兔

八己未朔月丑寧夏地震甲戌地震有聲

已卯南贛巡撫吳百朋請討和平之岑岡賊龍南之高沙下

歷賊蓋三巢賊衆數萬從之

甲申廣東山賊李亞元等平

乙酉虜寇延安

九戊子朔月丑薊鎮總兵官胡鎮罷王孟夏代之

壬辰復設廣東柘林守備

脩乾元殿

癸巳鄖陽襄陽大雨水壞城舍人畜亡筭

脩咸福宮

吏部尚書胡松請重劾舉從之

丙申遣工部左侍郎張守直脩顯陵更作龍飛殿採川廣大

木

丁酉俞大猷仍鎮守廣西



戊戌前南京工部右侍郎龔輝卒輝餘姚人嘉靖癸未進士  
隆慶初贈右都御史予祭葬

古田獐賊韋銀豹等降銀豹久據古田分上下里其兩犯柳  
州獨下六里人從之提督侍郎吳桂芳因遣典史廖元入上  
四里說降諸獐凡千九百餘人於是銀豹勢孤亦降桂芳言  
福建副總兵都指揮銜椎輕改總兵官都督銜蕪制柳慶諸  
獐

辛丑南京刑部左侍郎葉鏗兵部右侍郎喻時大理寺卿王  
燾俱劾罷

故刑部尚書鄭曉卒曉字寧甫海鹽人嘉靖癸未進士授兵  
部職方主事日閱故實遂盡知天下阨塞與士馬虛實強弱  
之數因議大禮杖闕下尋憂去起補武選又憂去戊戌調考  
功歷郎中夏言罷相詔考察臺諫嚴氏意去異己者曉斥其  
所厚若干人癸卯嚴世蕃以治中求尚書丞以非故事不聽  
嵩揭其抗上市恩貶和州判官未幾遷太僕丞丙午遷南考  
功郎中又遷南尚書卿歷南太僕少卿鳴臚光祿太常卿癸  
丑遷刑部右侍郎甲寅改兵部出撫鳳陽乙卯遷吏左尋遷  
南吏書上留為右都御史協理戎政戊午改刑部尚書猶



兼兵部事庚申閑任所著吾學編古言今言奏議文集禹貢  
圖說史論策學各若干卷年六十八  
已酉禁戒壇僧尼說法時蓮教盛行西山盜劫戒壇御史鮑  
承廕請絕左道從之

庚戌新河成初工科都給事中王元春劾朱衡倖功議訪元  
人海運故道朱衡周視水勢汴渠地俱下惟南陽折而南東  
至於夏村又東南至於留城其地高河水不能及先中丞盛  
應期議鑿而不果宜就之乃駐夏村導鮎魚諸泉薛沙諸河  
會於中渠三河口以杜浮沙之壅堤馬家橋過河之出飛雲

橋者盡入於秦溝使不停污凡鑿新渠自南陽至留城百四  
十一里跋攜渠自留城至境山五十三里建閘九而新河自  
南陽至留城百九十四里有奇八月間垂成僅餘數里值河  
決朝議紛如何起鳴初主新河亦改舌至是通漕群囂始息  
辛亥張瀚為刑部右侍郎吳桂芳為南京兵部右侍郎徐陟  
為南京刑部右侍郎吳悌為南京大理寺卿  
南京禮部尚書尹臺劾罷  
雷龍為寧夏總兵官  
癸丑脩築西黃河墻成



設廣東巡撫召鎮守兩廣總兵恭順侯吳繼爵還以俞大猷

代之改提督兩廣為總督兼巡撫廣西

十  
巳未戊午朔濬豐潤縣環香河轉餉太平等寨

庚申裁浙江金衢道僉事

辛酉王廷為南京禮部尚書任一憑為南京工部右侍郎吳

三樂為大理寺卿

故大理寺卿萬家廣西按察副使袁應樞遣戍刑部右侍郎

鄢懋卿下臺獄俱嚴氏寄督者

壬戌左都御史張永明罷永明清厲自持吏部文選郎中胡

汝桂科都給事中胡應嘉等煽議公卿多避之永明不為

撓故科給事中魏時亮攻去之

復設廣東總兵官以湯克寬為之

甲子工欲加徐杲太子太保徐階言祖宗無是法毋啓倖

端乃得寢杲由梓人進工部尚書

丁卯套虜自定邊營寇固原總兵郭江率千總李大本等禦

之值於暗門敗沒陝西副總兵時鑿兵至瓦楂梁死亡士馬

幾盡

命戶部開鹽銀本末徐階言兩淮鹽額歲七十萬五千一百



八十引徵六十萬金嘉靖四十年都御史鄒懋卿出經理搜  
積羨得百萬遂定為額而商多亡匿急則難經額輒不登故  
御史徐燿請仍舊派從悉復令戶部奏視故額乞俯從焉  
辛未陝西行都司山丹衛各地震  
癸酉戶部進餘鹽額價五萬金初上趣之尚書高耀謂今  
入數止之

詔諭登萊遼東沿海居人各徙內地

虜寇偏頭關掠寺鳴等堡殺守備左保

前南京兵部尚書李遂卒遂字邦良豐城人嘉靖丙戌進士

授行人歷禮部郎中坐累調湖州同知漸通顯博學有才謀  
尤知兵沉幾秘計多出人表隨試隨效年六十三贈太子少  
保予祭葬

壬申雲南按察僉事桐城張澤討武定寇鳳繼祖死之初土  
官鳳詔死亡子繼祖冒姓謀奪嫡入寇守臣挾以重兵賊走  
命詔妻索林代職我兵退仍叛佯乞降願毋事索林姑許之  
至是亂作殺詔之弟誥屠僂部民議征分四哨約並進張澤  
如期而三哨不至賊走險部將哈羅銀曰險恐有伏搜之不  
得追戰復勝賊夜走渡河銀升高無所見因麾其衆前半渡



伏起暮效夷語哭訴營外我兵不解方致疑而夷兵遂生心  
內應執澤謹事之及官兵大進縱還道害之并及百戶胡翰  
澤嘉靖  
貢生子斯盛詹太學

夜月食

甲戌諭停刑以建紫宸殿也

詔先脩顯陵隆慶稜恩殿以承天大水餘姑已之

免湖廣水災田租有差

丙子譚綸為兵部右侍郎總督兩廣軍務李祐為右僉都御  
史巡撫廣東

賑徐淮饑民萬二千金

己卯吏部尚書胡松卒松字汝茂滁州人嘉靖己丑進士知

東平歷禮部郎中山西提學副使言邊事進叅政亡何禡秩

二十年薦起至今官潔已好脩富於經術而不為崖異在吏

部振淹滯破資格事皆經理贈太子少保謚莊肅予祭葬

庚辰王廷為左都御史

雲南土酋鳳繼祖攻新城敗官軍殺僉事張澤上切責巡

撫呂光洵黔國公沐朝弼議討之

大同總兵姜應熊坐縱虜互市激陷朔州戍邊



郭震為陝西總兵官

辛巳戶部司務何以尚請宥海瑞 上怒杖之百下鎮撫獄  
錮之釋故給事中沈東獄以尚窺 上肯不欲死瑞故救之  
自叙購龍涎香已得四十兩又詭道希合也以尚廣西興業  
人由建昌教諭隆慶初復官遷光祿寺丞復論高拱京察降  
推官終南京戶部郎中

上欲用高耀吏部徐階言耀温厚寬平於剛潔則未也

壬午監察御史王時舉論刑部尚書黃光昇不諳法律如內  
犯李永以訴事冒<sup>突</sup>闕乘輿本非死比也乃擬<sup>矜疑</sup>真犯又擬海瑞

失律 上怒安置口外

癸未兵部尚書楊博改吏部尚書 上欲用高耀衆不可而

止

甲申議貢士考試法

乙酉貴州巡撫右副都御史陳洪濂罷

丙戌免遼東水災屯糧

丁亥命肅府鎮國將軍縉燾攝府事上其先世冊寶徐階言  
縉燾於肅定王親姪於肅懷王從叔而茲請繼乃繼懷王非  
繼定王越世相繼理所未有



虜犯定邊營

上復不豫手諭徐階自是疾漸篤宸札不復出

閏十月戊子朔己丑宣大總督兵部尚書趙炳然回部尋進太子少保

監察御史方新言事忤旨削籍

庚寅紫宸殿成工部尚書雷禮進少傅

辛卯王之誥為兵部左侍郎總督宣大軍務任士憑為兵部

右侍郎巡撫江西杜拯為右副都御史巡撫貴州陳介為右

僉都御史巡撫四川

總督浙直江西兵部右侍郎劉畿遣都指揮陳大成成利器

等分勦開化礦賊平之

壬辰虜千餘騎復犯延綏焚掠六日去之

癸巳寧夏地震

乙未故太子太保兵部尚書許論卒論字

河南靈寶人嘉靖

丙戌進士授順德府推官歷八座博學強記早期建樹嘗著

九邊圖論自庚戌後不離軍寄晚本兵牀於嚴氏一聽世蕃

指揮畫諾而已總督薊遼保定奏事奪職隆慶初復官賜祭

監察御史陳聯芳請死罪矜疑者勿充戎從之

雲南四川官軍討叛苗鳳繼祖敗走東川土官鳳氏初助之



見官軍皆集其黨斬之以獻

辛丑徐養正為戶部左侍郎吳桂芳為兵部左侍郎

命戶部購大小珠千五百餘顆凡回等直二萬二千五百餘

金上曰未如數抑無甘黃玉其母恠直市之

癸卯吳三樂為通政使

甲辰虜千餘騎犯大同威遠衛叅將崔世榮引兵二百禦之

殊死戰不利及其子大朝大賈死之

庚戌總督浙直江西兵部右侍郎劉畿請汰民兵從之仍行之閩

廣

李劉畿為南京兵部右侍郎魏尚純為大理寺卿

癸丑總督陝西陳其學巡撫戴才罷

贈郭江右都督謚立祠廕指揮僉事

起霍冀兵部左侍郎兼右僉都御史總督陝西三邊楊巍為

右僉都御史巡撫陝西

馬森為南京戶部尚書

十月丁巳朔故延綏總兵趙奇克為事官

壬戌毛愷為南京禮部尚書汪鏗為南京工部右侍郎張師

載為右副都御史巡撫浙江



乙丑雪群臣表賀

曹亨為右僉都御史巡撫保定

庚午吳嶽林樹聲為吏部左右侍郎林瀟為國子祭酒

癸酉王本固為刑部左侍郎張瀚為兵部左侍郎總督漕運

萬士和為南京戶部右侍郎

乙亥吏科都給事中胡應嘉劾高拱不忠三事拜命之初隘其直廬携

家西安門外潛歸一皇上小違豫私運直廬器具於外為無君

拱疏辨本應嘉傾危之士知上久不豫而拱以裕邱講官畏

其柄用故力攻之會上疾甚未省拱前左於徐階應嘉以

階鄉人拱疑階滋甚

丙子左都御史王廷言六事慎選授慎方巡慎刑獄慎倡率

慎檢束慎舉動上從之

戊寅李一翰為左副都御史曾子拱為右副都御史總督南

京糧儲胡杰為南京國子祭酒

庚辰復鄭曉刑部尚書銜

壬午改題顯陵明樓碑曰大明睿宗獻皇帝陵初上廟號

未及題碑

總理河道右僉都御史潘季馴憂去命朱衡兼理河道



南京吏部尚書王用賓致仕

十二月戊子毛愷為南京吏部尚書協理戎政兵部左侍郎遲鳳翔回

部

禁宗室遣人久留京師時襄垣王成鏐薨本冒封當革曾孫  
充煌稱嚴氏時欲傳襲鎮國中尉俊樞訐奏故襄垣王仕壻  
罪廢五十餘年成鏐孽支夤得之今當降爵而充煌有黠奸  
數革專走京師通部胥知俊樞疏輒借襄垣宗室名保充煌  
參俊樞疏報寢又疏上禮科都給事中辛自脩言襄垣系蒲  
州去京二千餘里何二疏同詞相距不數日且署名乖錯此

必伏奸也故有是禁

臨淮侯李庭竹充總兵官提督漕運

壬辰四川龍州宣撫司改龍安府以江油石泉隸之轄州西

道

設四川隆昌縣屬叙州設福建海澄寧洋二縣隸漳州  
增重慶府通判駐隆橋驛蓋盜藪也

戊戌王本固為兵部左侍郎協理戎政

己亥南京工部尚書林庭機為南京禮部尚書

庚子上疾甚還乾清宮午刻崩裕王入主喪事



辛丑頒遺詔曰朕以宗人入繼大統獲奉宗廟四十五年深  
惟享國久長累朝未有乃茲不起夫復何憾惟念朕遠奉列  
聖家法近承皇考身教一念慊本惟敬天勤民是務祇  
緣多病過求長生遂致奸人乘幾誑惑禱祠日舉土木歲興  
郊廟不親朝講久廢既違成憲亦負初心天啓朕秉方圖改  
轍遽嬰疾病補過無緣每一追思惟增愧恨皇子裕王可即  
皇帝位勉脩令德勿過毀傷喪禮如舊以日易月祭用素羞  
母禁民間音樂嫁娶郊社等禮及朕祔塋享各稽祖宗舊  
典斟酌改正自即位至今建言得罪諸臣存者召用沒者卹  
錄在繫者即先釋放復職方士人等論厥情罪各正刑典齋  
醮工作採辦諸勞民事即行停止於戲子以繼志述事兼善  
為孝臣以將順匡救兩盡為忠當體至情用欽末命詔告中  
外咸使聞知

史臣曰世宗功德不可縷指大要以嚴馭吏以寬治民  
以經術為師以法律為輔以明作脩內治以安靜飭邊防  
其於稽古考文之事尤為謹備而皆發之孝思本之敬一  
故功成制定華裔嚮風中興大業視之列聖有光焉享  
國四十餘年追慕獻皇獻皇如一日每遇特節忌辰侍



臣竊窺聖容慘怛享獻精虔無不泣下者晚年雖不御殿而批決顧問日無停晷雖深居淵默而張弛操縱威柄不移升遐一詔艾悔尤深真可謂不世出之主矣世宗李維楨曰世宗享國長久本朝無兩禮樂文章爛焉興舉齋居數十年圖迴天下於掌上中外儼然如臨其英主哉始衷終則新都永嘉華亭功大矣吏治繁偽兵政窳惰民力虛耗亦由是方之漢武帝功不勝過焉

范守己曰臣於徐少師階處蓋捧讀世廟諭札乃改定音草云人嘗謂輔臣擬旨幾於禮國柄乃大不然見其所

擬帝一一省覽窺定有不留數字者雖全當帝心亦必更易數字示明斷有不符意則駁使再擬再不符意則誰讓隨之矣故閣臣無不惴惴懼者自古英明之主亡不受成事相臣銜工裁聲名而已攬乾綱如帝者幾何人哉國朝中亦惟高文及帝數君耳以故大張弛大封拜大誅賞皆出獨斷至不可測度輔臣欲有所與亦從吏之或揣摩押闔之耳而能代有天工哉至聰睿夙成宣哲天縱思與古聖通動與道法合其財成典章潤色業皆有以洗濯千古軌三五而上之亡論東西京諸盛主也其起



樊亨也。攜欲傾之。鼎而厝之。磐石之工。大有鎮於宗祏。不  
淺渺矣。則何以故。蓋帝有不世之奇謨。四無競之偉烈。  
四而又有震世之獨行。五正世及之大辨。復四郊之大禮。  
黜胡主廟祀。革榮國侑享。崇奉先師。除象設之陋。釐正諸  
儒。嚴迪德之選。六奇謨也。革藩鎮之諸閹。廢畿甸之皇莊。  
奪外戚之世封。抑司禮之柄。用四偉烈也。正嬭御之數內。  
無女寵。放鳥獸之玩。外無禽荒。不以隆眷而廢刑。誅不以  
令甲而拘除。擢不以攝生而廢化。裁五獨行也。五行獨至。  
故六謨顯而四烈彰。所以駕二祖邁百王帝道之隆於

斯為極矣。於戲盛哉。

何喬遠曰。臣每見故縉紳父老。若為即時尚接先朝。誓御

之臣。多好言嘉靖時事。其謨猷合聖賢動作。掀天地真中  
興之主矣。晚節西苑崇玄。帝心固以為敬天。雖萬幾在  
宥。而精神無時不運於天下。四十餘年如一日。所以享世  
獨久與。

談遷曰。世廟起正德之衰。釐革積習。誠雄主也。因議禮  
自裁。好稽古右文之事。諸臣迎附。祇諍於儀節。反實政略  
焉。方士蝕其心。倭虜撼其末。饑盜歲見。而皇威四訖。駕御



得人則股肱之力為多至政地寄腹任、非其任靡文塞  
責先朝淳厚節儉之遺蕩然靡餘狡偽成風吏民相治不  
以為非亦一代升降之閑也好長生術果享永祚古人如  
漢武唐玄宗仁各有稱今治不及開元慶曆而亦無天漢  
天寶之失庶幾哉優於漢唐矣



書